

臨川縣志卷之十五

賦役下

本朝

戶口

原額人丁婦女共七萬三千一百五十九丁口內優免人
丁二千六百八十七丁五分各派徵不等實共徵銀六
千四百四十七兩四錢一分四釐一毫

人丁原額四萬五十五丁內除優免外實編三萬七千三
百六十七丁五分每丁編銀一錢五分四釐五毫四絲
七忽二微六纖共計編銀五千七百七十五兩八分二
釐二毫優免人丁二千六百八十七丁五分每丁編銀



一錢七釐一毫七忽八微一織共計編銀二百八十七兩八錢五分二釐二毫

婦女原額三萬三千一百四日每日編銀一分一釐六毫一絲四忽共計編銀三百八十四兩四錢七分九釐八毫

新增人丁訂正全書之後清出及節屆編審至康熙三十年止新增人丁共一千九百二十丁五分又康熙三十年至五十年節屆編審新增人丁六百七十三丁大共四萬二千六百四十八丁五分五十年奉旨自後續生人丁永不加賦造入盛世滋生冊內其編審汰除老故即以滋生頂補足額

婦女訂正全書之後清出及節屆編審至康熙三十年止新增一百二十一丁又康熙三十五年至五十年節屆編審又增一百七十六丁大共三萬三千五百一十口

丁口共徵銀六千八百七十七兩九釐一毫係雍正四年定數是年署撫都院邁題定丁歸糧納以雍正五年爲始將通省地畝均攤見兩帶徵以雍正四年丁口銀爲定通省每兩帶徵銀一錢五釐三毫二絲二忽六微一織四沙六塵一埃四渺歸川縣減去丁口銀一千一百八十九兩二錢九分八釐四絲

雍正九年編審十年奉文一件請均賦役等事將通省

開墾田地陞科帶丁臨川縣又減去丁口銀八十兩五錢二分一釐三毫九絲

乾隆元年編審二年奉文一件請均賦役等事將通省開墾田地陞科帶丁臨川縣又減去丁口銀五兩二錢一分六厘一毫五絲三次減除外實帶徵丁口銀五千六百一兩九錢七分三厘五毫二絲

附軍丁

撫州所屯丁一百四十一丁每丁徵銀一錢五分四厘五毫四絲八忽二微六纖共銀二十一兩六錢三分四厘八毫

南昌前衛屯丁二十五丁南昌左衛屯丁四丁撫州贛城

軍丁一百二十六丁共編徵軍丁銀二十三兩九錢五分四釐九毫八絲亦歸屯糧帶徵

自康熙五十年至乾隆元年節節編審滋生民丁五百六

十一丁滋生婦女一百九十二口滋生軍丁五十一丁

田賦

一則田原額七百六十七頃九十畝三分六釐七毫每畝編糧併差銀三分八釐五毫六絲六忽一微加增地畝銀一分四毫八絲一忽五微八纖共銀四分九厘四絲七忽六微八纖本色米二升六合五勺八抄二撮五圭三粟共計編銀三千七百六十六兩三錢八分九厘三毫共計編米二千四十一石二斗八升二合二勺三抄

二則出原額八千九百八十六頃一畝八分四毫每畝編
 糧併差銀三分四厘七毫三忽九微三纖加增地畝銀
 九厘四毫三絲一忽九微一纖共銀四分四厘一毫三
 絲五忽八微四纖本色米二升三合九勺二抄四圭五
 粟共計編銀三萬九千六百六十兩五錢四分五厘四
 毫共計編米二萬一千四百九十四石九斗五升九合
 五勺二抄雍正八年陞墾二則田一頃九畝七分九釐
 三毫二絲四忽九微銀四兩八錢四分五釐七毫六絲
 加徵米二石六斗二升六合三勺四撮二粟雍正十二
 年陞墾二則田九十畝五厘五毫五絲加徵銀三兩九
 錢七分四釐六毫八絲加徵米二石一斗五升四合七

抄六撮六圭三粟乾隆三年陞墾二則田二頃五十四
 畝二分五釐四毫七絲九忽加徵銀一十一兩二錢二
 分一釐七毫四絲八忽七微二纖二沙加徵米六百八
 升一合八勺八抄九撮

三則田原額一千四十一頃八十二畝三分七釐六毫每
 畝編糧併差銀三分一釐八毫五絲七忽二微一纖加
 增地畝銀八釐六毫五絲八忽二微二纖共銀四分五
 毫一絲五忽四微三纖本色米二升一合九勺五抄八
 撮二圭九粟共計編銀四千二百二十兩九錢九分三
 釐八毫共計編米三千二百八十七石六斗六升二合
 八勺三抄康熙二十六年陞墾三則田一十一畝三分

八釐增徵銀四錢六分一釐六絲四忽增徵米二斗四升九合八勺八抄三撮九圭二粟乾隆三年陞墾三則田五畝二分五釐加徵銀二錢一分二釐七毫六忽加徵米一斗一升五合二勺八抄一撮二粟

四則田原額八十三頃五十三畝三釐一毫每畝編糧併差銀二分三釐七毫三忽六微二纖加增地畝銀六釐四毫四絲二忽二微二纖共銀三分一毫四絲五忽八微四纖本色米一升六合三勺三抄八撮二圭五粟共計編銀二百五十一兩八錢九釐一毫共計編米一百三十六石四斗七升三合九勺一抄康熙二十八年陞墾四則田六畝三分加徵銀一錢八分九釐九毫二絲

加徵米一斗二合九勺二抄九撮七圭五粟康熙三十五年陞墾四則田四十畝五分三釐加徵銀一兩二錢二分一釐八毫一絲七忽二微加徵米六斗六升二合一勺八圭二粟六粒雍正十二年陞墾四則田二十四畝加徵銀七錢二分二釐四毫八絲加徵米三斗九升二合一勺一抄七撮九圭四粟乾隆三年陞墾四則田五畝五分五釐加徵銀一錢六分七釐三毫九忽七微四纖加徵米九升六勺七抄七撮二圭九粟

五則新陞田原額一頃二十三畝二分九釐八毫每畝編糧併差銀二分三釐七毫三忽六微二纖加增地畝銀六釐四毫四絲二忽二微二纖共銀三分一毫四絲五

忽入徵四織共計緡銀三兩七錢一分六釐九毫

一則地原額一千一百五十六頃二十一畝三分四釐每

畝編糧併差銀一分七釐三毫五絲一忽九微七織加

增地畝銀四釐七毫一絲五忽九微五織共銀二分

釐六絲七忽九微二織本色米一升一合九勺六抄二

圭二粟共計緡銀二千五百五十一兩五錢二分二釐

五毫共計編米一千三百八十二石八斗五升六合六

勺六抄康熙二十六年墾地一項八畝二釐二毫六

絲六忽加徵銀二兩三錢八分三釐八毫三絲六忽加

徵米一石二斗九升一合九勺七抄八撮二圭三粟一

粒康熙二十八年墾地一畝六分加徵銀二分五釐

三毫一絲加徵米一升九合一勺三抄六撮六粟康熙

三十五年墾地二十一畝三分加徵銀四錢七分六

絲二忽八微加徵米二斗五升四合七勺五抄二撮六

圭九粟八粒雍正八年墾地五頃三十九畝二釐五

毫二絲加徵銀一十一兩八錢二分九釐一絲加徵米

六石四斗一升九勺七抄八撮九圭八粟雍正十二年

墾地二十七畝四分一釐五毫五絲加徵銀六錢五

釐一絲加徵米三斗二升七合九勺八抄六撮九圭三

粟乾隆三年墾地二十四畝九分七釐加徵銀五錢

五分一釐四絲二忽三微八織加徵米二斗九升八合

六勺四抄六撮六圭九粟

一則山原額一千四百六十九頃一十四畝三分四釐六毫每畝編糧併差銀九釐五毫八絲七忽七微三纖加增地畝銀二釐六毫五忽七微七纖共銀一分二釐一毫九絲三忽五微本色米六合六勺八撮五圭六粟五粒共計編銀一千七百九十一兩四錢一毫共計編米九百七十一石八斗九升三合一抄

一則塘原額一百一十七頃四畝六分九釐魚塘每畝編糧併差銀四分九毫九絲三忽六微七纖加增地畝銀一分一釐一毫四絲一忽八纖共銀五分二釐一毫三絲三忽七微五纖本色米二升八合二勺五抄五撮一圭共計編銀六百一十兩二錢九釐四毫共計編米三百三十石七斗一升七合一勺九抄

二則塘原額二百三十二頃九十一畝九分二釐二毫餘塘每畝編糧併差銀一分三釐八毫一絲二忽二微五纖加增地畝銀三釐七毫五絲三忽九微二纖共銀一分七釐五毫六絲六忽一微七纖本色米九合二勺二抄四圭共計編銀四百九兩一錢四分九釐九毫共計編米二百二十一石七斗四升八合四勺一抄康熙二十八年墾墾二則塘六分一釐八毫三絲加徵銀一分八毫六絲加徵米五合八勺八抄四撮三圭

以上原額田地山塘共一萬三千八百五十五頃八十三畝一分七釐四毫自康熙二十六年至乾隆三年節

次陞科共一十二頃六十七畝六釐五毫一絲九忽總
其田地山塘一萬三千八百六十八頃五十畝二分三
釐九毫一絲九忽應徵銀五萬三千三百四兩六錢二
分九釐九毫九絲六年奉文泐冊除豁未扣

附屯田

撫所屯田一坐江南池州府建德縣徵屯田二萬四千七
百六十三畝一分六釐八絲應徵籽粒米四千八百五
十石八斗七升六合九勺每石折銀五錢共銀二千四
百二十五兩四錢三分八釐四毫五絲應徵餘徭銀三
百四十二兩二錢五分六釐六毫九絲六忽三微八纖
又民種補軍三千八百五十一畝五分二釐六毫一絲
一忽應徵籽粒米七百七十八石六斗四升七合八勺
每石折銀五錢應銀三百八十九兩三錢二分三厘九
毫

一坐本省饒州府安仁縣民種補軍田一千四百六十六
畝四分三釐二毫四絲七忽應徵粒米五十八石五升
八合五勺每石折銀五錢應銀二十九兩二分九厘二
毫五絲

一坐本省饒州府餘干縣民種補軍田八百五十五畝三
分九釐九毫應徵籽粒米一百七十七石四斗五升八合
五勺每石折銀五錢應銀八十五兩二錢二分九釐二
毫五絲

以上共銀三千二百九十二兩九錢一分四釐三毫四絲六忽三微八纖

舊例本府知府差役借提谷該縣徑解赴督糧道兌收支給撫州所運軍具文報明本府正堂入冊經前署巡撫邁題明江西饒撫南三府衛所屯丁屯糧徵收之州縣隸在江南而督催之責在又屬江西非本管之上司勢難隨時察報易滋弊竇請併歸江南池州府管理以雍正五年爲始入江南賦役全書徵解奉 旨依議餘干安仁亦各歸伊縣徵收

增徵匠班正脚銀五百六十五兩六錢三分九釐二毫遇閏加徵銀四十七兩一錢三分六釐六毫

折色時價增徵正脚銀一百一十六兩六錢四分二毫一絲八忽一微

本色時價會議增徵正脚銀一兩七錢八分四釐五毫五絲五忽九微五纖

核減本色增徵時價銀四十八兩一錢七分九釐

原額新增丁口現今帶徵銀五千六百一兩九錢七分三釐五毫二絲

大共地丁正賦應徵銀五萬九千六百三十八兩八錢五分六釐四毫八絲四忽五纖遇閏加銀五百兩五錢二分九釐

今乾隆四年分除閏現在地丁總數之內分爲五項

其散款條目分列各項之下

一本折物料額銀一千一百四十兩五錢五分五毫六絲九忽九微一纖

一隨漕額銀四千一百八兩一錢七分一釐五毫五絲五微三纖

一存留解給銀二千八百四十七兩三錢六分

一驛站解給銀一千九百三十八兩四錢

一地丁正賦銀四萬九千一百五十七兩五錢三分一釐二毫一絲三忽四微脚耗銀四百四十六兩八錢四分三釐一毫五絲二微二纖

本折項下今乾隆四年分額辦本色物料

甲字庫銀硃三十八觔二兩五錢部文每觔價銀四錢六分該正價銀一十七兩五錢五分一釐八毫七絲五忽鋪墊銀四兩一錢九分七釐一毫八絲七忽五微水脚銀四錢九分一釐四毫五絲二忽五微

丁字庫桐油一百三十一觔四兩部文每觔價銀三分該正價銀三兩九錢三分七釐五毫鋪墊銀一兩五分水脚銀一錢一分二毫五絲

正墊脚共銀二十七兩三錢三分八釐二毫六絲五忽

添辦本色物料

桐油三十一觔八兩三錢六分部文每觔價銀三分該正價銀九錢四分五釐六毫七絲五忽鋪墊銀二錢五分

二釐一毫八絲水脚銀二分六釐四毫七絲八忽九微
銀珠一百二十九筋八兩五錢部文每筋價銀四錢六分
該正價銀五十九兩五錢八分四釐三毫七絲五忽
墊銀一十四兩二錢四分八釐四毫三絲七忽五微水
脚銀一兩六錢六分八釐三毫六絲二忽五微

正墊脚共銀七十六兩七錢二分五釐五毫八忽九微
復辦本色物料

五椗子一十九筋二兩部文每筋價銀三分五釐該正價
銀六錢六分九釐三毫七絲五忽鋪墊銀三錢一分三
毫七絲五忽水脚銀一分八釐七毫四絲二忽五微
正墊脚共銀八錢九分八釐四毫九絲二忽五微

以上本色共銀一百四兩九錢六分二釐二毫六絲六
忽四微銀解本府

未復本色物料

承運庫農桑絹三尺七寸折銀四錢六分七釐四毫三絲
三忽三微三纖水脚銀六分六釐七毫七絲七忽五微
供用庫黃蠟三百三十六筋十一兩四錢折銀五十二兩
一錢九分四毫三絲七忽五微水脚銀一兩四錢六分
一釐三毫三絲二忽二微五纖

甲字庫紫草五筋一兩折銀一錢五分六厘九毫三絲七
忽五微鋪墊銀五錢五分六釐八毫七絲五忽水脚銀
四釐三毫九絲四忽二微五纖黑鉛五十筋八兩折銀

一兩七錢六分七釐五毫鋪墊銀五錢五分五厘五毫
水脚銀四分九釐四毫九絲膩硃九觔八兩折銀三錢
八分鋪墊銀一兩四分五釐水脚銀一分六毫四絲五
釐子六觔一兩折銀二錢一分二釐一毫八絲七忽五
微鋪墊銀六分六釐六毫八絲七忽五微水脚銀五釐
九毫四絲一忽二微五纖

丁字庫錫二十五觔折銀二兩二錢五分鋪墊銀四錢水
脚銀六分三厘黃蠟一十三觔折銀二兩一分五釐鋪
墊銀二錢八厘水脚銀五分六厘四毫二絲紅熟銅二
十觔四兩折銀二兩二分五厘鋪墊銀三錢一分四厘
水脚銀五分六厘七毫

甲字庫烏梅二十六觔一十四兩折銀五錢三分七釐五
毫鋪墊銀二錢九分五釐六毫二絲五忽水脚銀一分
五釐五絲明礬三十一觔四兩折銀三錢一分二釐五
毫鋪墊銀二錢四分三釐七毫五絲水脚銀八釐七毫
五絲

又各項本色一題定價值扣算核減原價正脚共銀一
十六兩七錢九分五釐九毫一絲三忽七微五纖

又本色初增時價正脚歸入起運共銀四十九兩五錢
二分八釐一絲二忽

以上未復本色物料折解正墊及核減原價正脚並新
增時價正脚共銀一百三十二兩四錢三分三釐八毫

五絲九忽八織內動支採買復辦五楮子正墊共銀八錢七分九釐七毫五絲外實解未復本色物料正墊銀一百三十一兩五錢五分四釐一毫九忽八織共木脚銀一兩七錢九分八釐四毫九絲五忽二微五織

改折物料現今乾隆四年分

典農桑絹折銀一十四兩二分五釐四毫水脚銀二兩三釐六毫六絲八忽六微八織

黃蠟折銀二百三十五兩七錢七分七釐九毫二絲五忽水脚銀六兩六錢一釐七毫八絲一忽九微

顏料折銀五百六十一兩三分二釐五毫水脚銀一十五兩七錢八釐九毫一絲

銀珠折銀八十九兩七錢九釐三毫七絲五忽鋪墊銀四兩六錢九分九釐六絲二忽五微

膩硃折銀一兩四錢六釐二毫五絲鋪墊銀六錢一分八釐七毫五絲水脚銀二分九釐三毫七絲五忽

烏梅折銀九錢四分五釐鋪墊銀二錢五分九釐八毫七絲五忽水脚銀二分六釐四毫六絲

明礬折銀一兩三錢三分六釐八毫七絲五忽鋪墊銀四錢九分一毫八絲七忽五微水脚銀三分七釐四毫三絲二忽五微

錫折銀二兩六釐八毫七絲五忽鋪墊銀二錢四分七釐水脚銀五分六釐一毫九絲二忽五微

桐油折銀一十三兩四錢四分四釐三毫七絲五忽鋪墊銀一兩五錢三分六釐五毫水脚銀三錢七分六釐四毫四絲二忽五微

生漆折銀二十二兩七錢一分八釐七毫五絲鋪墊銀七錢二分七釐水脚銀六錢二分六釐一毫二絲五忽

以上改折物料正墊共銀九百五十兩九錢八分一釐七毫內動支採買漆辦桐油增辦銀硃正墊共銀七十

五兩三分六毫六絲七忽五微外實解改折物料正墊共銀八百七十五兩九錢五分一釐三絲二忽五微

折色共水脚銀二十七兩九錢九分八釐二毫五絲五微八織又未復水脚共銀一兩七錢九分八釐四毫九

絲五忽二微五織一其水脚二十九兩七錢九分六釐七毫四絲五忽八微三織內動支連解漆辦桐油復辦

五梃子增辦銀硃各款水脚銀一兩七錢一分三釐五毫八絲三忽九微外實該解折色水脚銀二十八兩八

分三釐一毫六絲一忽九微三織自未復本色起至改折物料止大共正墊脚銀一千三

十五兩五錢八分八釐三毫三忽五微一織解布政司以上本折項下共銀一千一百四十兩五錢五分五毫

六絲九忽九微五織隨漕項下今乾隆四年分

原額兌軍價運三十六輕賣銀二千一百二十五兩八錢一

分二釐六毫康熙二十六年增徵銀二錢七分六釐四毫七絲康熙二十八年增徵銀一分六釐九毫二絲康熙三十五年增徵銀一錢八分三釐三毫二絲脚耗銀六毫一絲俱歸輕費款下 雍正八年增徵銀六錢六分五釐五毫二絲九忽四微八纖 雍正十二年增徵銀二錢一分六釐六毫六絲二忽三微六纖 乾隆三年增徵銀四錢八分五釐四絲七忽八微

原額蘆蓆板木銀八十五兩五錢二分八釐五毫二絲六忽九微四纖脚耗銀一十三兩二錢六分八釐四絲六忽七微六纖淮安倉蘆蓆額銀二十一兩四錢八分二釐五毫二絲二微七纖脚耗銀二錢五分六釐三毫四絲三忽七微二纖共蘆蓆銀一百七兩一分一釐四絲

七忽二微內柁木松板銀一十五兩六錢五分四釐六毫四絲四忽四纖四沙五塵五埃動支買備松板六十二片六分一釐八毫五絲七忽六微一纖七沙八塵二埃自雍正四年奉文起解赴糧道驗烙發交軍船帶解通倉共脚耗銀一十三兩六錢二分四釐三毫九絲四

微八纖乾隆六年奉文減微一半

新增蘆蓆板木雍正八年增徵銀三分三釐五毫二忽一纖脚耗銀四釐二毫六絲五忽三微兀纖雍正十二年增徵銀一分六毫五絲四忽八微五纖脚耗銀一釐二毫五絲六忽五微五纖乾隆三年增徵銀二分四釐四

毫二絲六忽七微六纖脚耗銀三釐一毫八忽六微八纖

原額過江湖銀五百六十九兩一錢一分一釐九毫八絲五忽淮安倉過江湖銀一百八十二兩六錢七分四釐二毫二絲七忽共銀七百五十一兩七錢八分六釐二毫一絲二忽

新增過江湖銀雍正八年增徵銀二錢三分五釐三毫六絲二忽一微六纖雍正十二年增徵銀七分四釐八毫五絲三忽六微八纖乾隆三年增徵銀一錢七分一釐五毫三絲五忽三微九纖

原額淮安倉二升折銀三十七兩九錢八釐一毫

新增二升折雍正八年增徵銀一分一釐八毫六絲七忽九微一纖雍正十二年新徵銀三釐七毫七絲四忽四微三纖乾隆三年增徵銀八釐六毫四絲九忽五微

原額協濟各衛所運糧旗軍月糧倉米銀四百八十二兩六錢九分六釐九毫九絲八微三纖

新增協濟雍正八年增徵銀一錢五分一釐一毫一絲二忽五纖雍正十二年增徵銀四分八釐五絲八忽一微三纖乾隆三年增徵銀一錢八分一毫三絲一忽八微七纖

原額淺船料價銀五百八十六兩六錢

例無加增

以已隨漕項下共銀四千三百八兩一錢七分一釐五

毫五緡五微二織解督糧道六年奉減泚朶未扣除
存留項下今乾隆四年分

本府知府俸銀壹百伍兩

經制典吏貳拾陸名原編工食奉裁

門子貳名工食銀壹拾壹兩捌錢

馬快拾名工食銀伍拾玖兩

步快壹拾陸名工食銀玖拾肆兩肆錢

皂隸壹拾陸名工食銀玖拾肆兩肆錢

轎傘扇夫柒名工食銀肆拾壹兩叁錢

庫子肆名工食銀貳拾叁兩陸錢

斗級陸名工食銀叁拾伍兩肆錢

小府儒學乾隆元年欽奉 恩加教授正七品俸銀肆拾

伍兩訓導從八品俸銀肆拾兩

經制攢典壹名工食無編

齋夫貳名工食銀貳拾肆兩教授訓導各支壹半

門斗叁名工食銀貳拾壹兩陸錢

木縣知縣俸銀肆拾伍兩

經制典吏壹拾肆名工食無編雍正五年奉 上諭

每縣錢穀設總吏貳名稽查後又奉 文設刑名總

吏壹名旋俱裁

門子貳名工食銀壹拾壹兩捌錢

皂隸壹拾貳名工食銀壹拾兩捌錢

作作肆名工食銀貳拾叁兩陸錢

馬快捌名工食銀肆拾柒兩貳錢

民壯伍拾名工食銀貳百玖拾伍兩 器械銀壹百

兩 乾隆六年奉文裁汰一十五名存民壯三十五

各額給工食銀二百六兩五錢器械銀七十兩

看監禁子捌名工食銀肆拾柒兩貳錢

輪傘扇夫柒名工食銀肆拾壹兩叁錢

庫子肆名工食銀貳拾叁兩陸錢

本縣縣丞俸銀肆拾兩

門子壹名工食銀陸兩

皂隸肆名工食銀貳拾肆兩

馬夫壹名工食銀陸兩

本縣典史俸銀叁拾壹兩伍錢貳分

門子壹名工食銀陸兩

皂隸肆名工食銀貳拾肆兩

馬夫壹名工食銀陸兩

本縣儒學乾隆元年欽奉 思加教諭正八品俸銀肆拾

兩訓導從八品俸銀肆拾兩

經制擴典壹名工食無編

齋夫叁名工食銀叁拾陸兩教諭訓導各支壹半

門斗叁名工食銀貳拾壹兩陸錢

本縣清泥司巡檢俸銀叁拾壹兩伍錢貳分

經制攢典壹名工食無編

皂隸貳名工食銀壹拾貳兩

弓兵壹拾伍名工食銀貳拾柒兩遇閏加銀貳兩貳

錢伍分

本縣溫家洲巡檢俸銀叁拾壹兩伍錢貳分

經制攢典壹名工食無編

皂隸貳名工食銀壹拾貳兩

弓兵貳拾貳名工食銀叁拾玖兩陸錢遇閏加銀肆

兩玖錢伍分

府學廩膳生員肆拾名餼糧銀捌拾兩遇閏加銀陸兩陸

錢陸分未釐

府學文廟朔望香燭銀壹兩捌錢遇閏加銀壹錢伍分

府學歲貢酒禮銀伍兩

縣學廩膳生員貳拾名餼糧銀肆拾兩遇閏加銀叁兩叁

錢叁分叁釐

縣學文廟朔望香燭銀壹兩捌錢遇閏加銀壹錢伍分

春秋祀兩學祠壇

原總額銀壹百陸拾肆兩陸錢柒分陸厘 兩捌錢柒分陸厘

兩捌錢肆分各宜祠伍兩陸錢貳分貳厘 兩陸錢貳分貳厘

陸錢貳分陸厘 社稷壇拾伍兩柒錢捌厘

去思碑壹兩伍錢 節孝祠拾伍兩陸錢柒分陸厘

記銀總存壹百肆拾玖兩柒錢捌分捌毫 內餘編府縣

學各銀叁拾捌兩肆錢肆厘 崇聖祠府縣學各陸

兩名宜祠鄉賢祠府縣學各玖兩陸錢柒分陸厘 節義祠

各貳兩社稷壇兩山川壇 兩龍王廟兩伍錢肆

兩各貳兩社稷壇兩八蜡神 祭叁兩貳錢五賢祠叁兩

賦役

關帝祭祀銀肆拾兩雍正十三年奉文春秋誕辰二祭均支

春冬鄉飲酒禮銀貳拾兩

縣學歲貢酒禮銀貳兩伍錢縣學兩年一貢本年支銀貳兩伍錢次年支貳兩伍錢共銀伍兩與府學歲貢同迎賀新中進舉貢士新進科舉生員旌匾路費卷資等銀伍拾兩內進士舉人貢士生員分爲四股各壹拾貳兩伍錢乾隆貳年奉文進舉文武均分如遇恩科中式者領半其一半留爲正科之用生員花幣文七武三貢士銀解司應貢者起文赴司具領

孤貧壹百柒拾捌名口口糧銀陸百肆拾兩捌錢原編壹

百玖拾名口雍正拾叁年奉文一件請申嚴直省等事

案內查點壹拾貳名缺人詳奉裁汰原編每名日食伍厘歲給冬布銀貳錢乾隆三年奉文一件推廣皇仁等事加給每名日食銀壹分扣除小建遇閏加給裁去冬布

樹聲樓鐘夫壹名工食銀壹兩玖錢陸分陸厘柒毫遇閏加銀壹錢陸分陸厘陸毫

改編吹鼓手捌名工食銀叁拾玖兩叁錢叁分叁厘叁毫過閏加銀叁兩叁錢叁分貳厘捌毫

以上存留項下共銀貳千柒百壹拾兩捌錢肆分玖厘

驛站項下

康熙三十年均勻衛備臨川縣定為次衝存設人夫五十肆名差馬壹拾陸匹馬夫五名舖司兵柒拾陸名雍正肆年裁人夫捌名十一年裁壹拾肆名雍正四年裁馬肆匹裁馬夫壹名

今乾隆四年分走通人夫叁拾貳名每名日支工食銀叁分歲共銀叁百肆拾伍兩陸錢遇閏加銀貳拾捌兩捌錢

差馬壹拾貳匹每匹日支工料銀捌分歲共銀叁百肆拾伍兩陸錢遇閏加銀貳拾捌兩捌錢

馬夫肆名每名日支工食銀叁分歲共銀肆拾叁兩貳錢遇閏加銀叁兩陸錢

舖司兵柒拾陸名每名日支工食銀壹分伍厘歲共銀肆百壹拾兩肆錢遇閏加銀叁拾肆兩貳錢

解道支給水驛紅座等船水手工食脩造工料等銀肆百貳拾兩遇閏加銀壹拾柒兩肆錢叁分伍厘捌毫壹絲以忽應付廩給口糧銀壹拾兩

議裁夫馬工料銀貳百壹拾貳兩肆錢遇閏裁銀壹拾柒兩柒錢

新裁人夫壹拾肆名工食銀壹百伍拾壹兩貳錢如遇軍餉過往等爭需用多夫即動用此銀催覓如無歲終解

道遇閏裁銀壹拾貳兩陸錢

以上驛站項下共銀壹千玖百叁拾捌兩肆錢舊志所

載存留驛站多款除見今存設外所裁銀數俱歸起運

解司

地丁起運項下現今乾隆四年分

解司地丁正賦銀肆萬玖千壹百伍拾柒兩伍錢叁分壹

釐貳毫壹絲叁忽肆微

地丁脚耗銀肆百肆拾陸兩捌錢肆分叁厘壹毫伍絲貳

微貳纖

以上本折隨漕存留驛站起運解司共銀伍萬玖千陸

百叁拾捌兩捌錢伍分陸釐肆毫捌絲肆忽伍纖每兩

徵收加一札羨餘解給後開本府等衙門養廉銀兩外

餘銀隨正銀解司克公自雍正八年起各官養廉在營

解支其經照養廉於乾隆三年奉文坐臨川縣支

本府知府養廉銀壹千捌百兩內坐臨川縣解銀肆百

兩

本府通判養廉銀陸百兩全坐臨川縣解

本縣知縣養廉銀壹千貳百兩

本縣縣丞養廉銀陸拾兩

本府經歷司養廉銀陸拾兩

本府照磨所養廉銀陸拾兩

本縣清泥司巡檢養廉銀陸拾兩

本縣溫圳司巡檢養廉銀陸拾兩

本縣典史養廉銀陸拾兩

歸併丁地奏銷各項

全裁兵糧耗費銀貳百伍拾壹兩玖錢陸分陸厘肆毫此銀歸丁地銀內統徵分解

課鈔正銀捌兩壹錢肆分陸釐陸毫遇閏加銀柒錢陸分陸釐柒毫脚耗銀貳錢叁釐陸毫陸絲伍忽遇閏加銀壹分玖釐壹毫玖絲此銀係漁戶辦納

商稅原額正銀叁百玖拾肆兩壹錢叁分伍厘柒毫遇閏加銀叁拾壹兩陸錢陸分肆毫玖絲脚耗銀壹拾壹兩叁分伍厘柒毫玖絲叁忽貳微肆纖此項原設本府稅課司大使一員崙徵解府轉解赴司報縣入冊奏銷於

雍正七年裁革大使歸府管理行縣代徵內臨川縣正脚銀貳百伍拾貳兩捌錢叁分陸厘捌毫伍絲壹忽玖微陸纖金谿縣銀壹百貳拾玖兩捌錢壹厘崇仁

縣銀壹拾捌兩伍錢叁分叁厘宜黃縣銀肆兩東樂二縣無是年奉文加增認納銀貳百肆拾兩陸錢叁分內臨川縣加銀壹百玖兩肆錢玖分肆厘金谿加

銀壹百貳拾伍兩壹錢玖分玖厘叁絲壹忽玖微崇仁加銀伍兩肆錢陸分柒厘陸纖宜黃無加於乾隆

二年欽奉 上諭事案內免徵加增止照原額正脚銀徵收此銀係各處牙僧辦納各縣解府彙解 其舊志

所載縣額商稅東館抗埠二稅局今俱廢

雜稅

田產稅契原無定額照依業戶契價每兩抽稅叁分儘徵儘解

當舖壹間每年徵當帖稅銀伍兩舊貳間今廢繳帖

牛稅額銀肆兩

牙帖稅銀捌拾叁兩康熙三十年牙稅銀伍拾兩其後續領牙帖現今乾隆四年分該額徵銀捌拾叁兩

茶課每年奉司發部頒茶引伍拾捌道每引壹道徵課銀壹錢伍分紙價銀叁厘叁毫叁絲共徵茶課銀捌兩柒錢紙價銀壹錢玖分叁厘壹毫肆絲從前茶引奉司發來多寡不一至康熙三十四年起以後每年頒發嚴格

攤道

漕糧項下

原額本色起運兌軍價運正米壹萬壹千捌百壹拾石柒升副米陸千貳百伍拾玖石叁斗叁升柒合壹勺脚耗米壹千壹百捌拾壹石柒合

原額淮安倉改兌正米叁千柒百玖拾石捌斗壹升副米貳千玖石壹斗貳升玖合叁勺脚耗米叁百柒拾玖石捌升壹合

康熙二十六年陞舉增徵正米玖斗貳合肆勺叁抄捌撮玖圭叁粟副米肆斗柒升捌合貳勺玖抄貳撮陸圭叁粟叁粒脚耗米玖升貳勺肆抄叁撮捌圭玖粟叁粒塵

熙三十五年陞墾增徵正米肆斗玖升伍合伍勺陸抄
陸撮柒粟副米貳斗陸升貳合陸勺伍抄壹粟柒粒脚
耗米肆升玖合伍勺伍抄陸撮陸圭叁粟柒粒雍正八
年陞墾增徵正米肆石捌斗捌升肆合壹勺柒抄柒撮
副米貳石伍斗捌升捌合陸勺壹抄叁撮捌圭壹粟脚
耗米肆斗捌升捌合肆勺壹抄柒撮柒圭雍正十二年
陞墾增徵正米壹石伍斗伍升叁合叁勺肆抄伍撮副
米捌斗貳升叁合貳勺柒抄貳撮捌圭伍粟脚耗米壹
斗伍升伍合叁勺叁抄肆撮五圭乾隆三年陞墾增徵
正米叁石伍斗伍升玖合陸勺陸抄副米壹石捌斗捌
升陸合陸勺壹抄玖撮捌圭脚耗米叁斗伍升伍合玖

陸抄陸撮

以上其正改米壹萬伍千陸百壹拾貳石貳斗柒升伍
合壹勺捌抄柒撮共副米捌千貳百柒拾肆石伍斗零
伍合捌勺肆抄玖撮壹圭壹粟共脚耗米壹千伍百陸
拾壹石貳斗貳升柒合伍勺壹抄捌撮柒圭叁粟夫其
米貳萬伍千肆百肆拾捌石捌合伍勺伍抄肆撮柒圭
肆粟內除脚耗米乃半縣支給扒脚船戶食米并給旗
軍贈耗自用之項外實上兌正副米貳萬叁千捌百捌
拾陸石柒斗捌升壹合叁抄陸撮壹圭壹粟
六年奉免
泗州水扣
全喜附載漕糧耗費銀壹千貳拾陸兩伍錢貳厘乃支
給船戶省縣二倉挑脚并給旗軍贈耗自用之項即今

所救之水脚

又前明萬曆四十五年詳乞加增脚耗米柒百捌拾石肆升肆合查此米係照原額正改米每石加徵伍升康熙以後陞科者不在內但此項歷來並不徵收記此備攷

查得漕糧節耗米壹千伍百陸拾石零耗費銀壹千貳拾陸兩伍錢貳厘自昔原因山陬僻壤百姓自願津貼于官以爲僱覓小船扒節脩倉鋪墊運省上倉下河兌軍餉淺等費從前地方官恐涉攤派名色附入全書冀垂久遠康熙二十三年奉 戶部駁追康熙二十四年兩江總督范 于察核運庫事案內特疏具題請免欵

奉 諭旨聽民即運康熙三十八年于再籲仰懇事案內 戶部駁行原題准銷者係節耗銀米並無船戶扒節脩倉鋪墊字樣行令從前已給者湖往查追將來未給者禁毋文放詳駁繁瑣二十餘年然歷任非此必致悞漕並無遵行者至雍正元年奉 巡撫裴 咨 部免追准 戶部咨覆江省脚耗銀米已於雍正元年七月十二日欵奉 上諭將從前積欠盡免追賠而後准其支給應無庸議欵此 從前漕米民收民兌糧里交旗丁勒索至有賣需而不克濟者大爲民累順治十年始改爲官收官兌民困方甦

南糧兵米項下

原額南糧兵米叁千肆百叁拾柒石壹斗陸升叁合叁勺
陸抄康熙二十六年陞墾增徵米壹斗玖升捌合捌
勺叁抄陸撮捌圭伍釐康熙三十五年陞墾增徵米壹
斗玖合壹勺捌抄捌圭叁粟雍正八年陞墾增徵米壹
石柒升陸合柒抄肆撮肆圭玖粟雍正十二年陞墾增
徵米叁斗肆升貳合貳勺貳抄玖撮壹圭伍粟乾隆三
年陞墾增徵米柒斗捌升肆合貳勺肆抄捌撮貳圭

以上共向米叁千肆百叁拾玖石陸斗柒升叁合玖勺
貳抄玖撮肆圭柒粟伍釐內徵本色坐給撫州營兵丁
月米壹千叁百玖拾叁石貳斗奉文歸入漕糧統徵分
給徵本色解省兵米玖百肆石肆升伍合奉文歸入漕

糧統徵分解徵折色裁兵餘剩米壹千壹百肆拾貳石
肆斗貳升捌合玖勺壹抄玖撮肆圭柒粟伍粒每石折
銀陸錢其該徵收折色銀陸百捌拾伍兩肆錢伍分柒
厘叁毫伍絲壹忽陸微捌纖貳沙叁塵奉文歸入丁地
統徵分解上俱原則六年奉
裁沙冊米扣除

舊志本折項下

戶部項下承運庫金花銀九千四百九十八兩四錢二
分二厘五毫滴珠銀九十四兩九錢八分四厘三毫二
絲五忽脚耗銀一百七十兩九錢七分一厘七毫八絲
五忽

農桑絹折銀一十兩六錢二分三厘九毫脚耗銀一兩

五錢一分七厘七毫三絲三微六纖

甲丁二庫顏料折銀五百六十一兩三分二厘五毫脚耗銀一十五兩七錢八厘九毫一絲

太倉庫農桑絹折銀五兩一錢八分八厘四毫脚耗銀七錢四分一厘二毫一絲四忽八微二纖

黃蠟折銀二百八十八兩九錢八厘七毫五絲脚耗銀八兩八分九厘四毫四絲五忽

高戶二十三名共銀六十九兩脚耗銀一兩五錢八分七厘

戶口鹽鈔銀四百二十兩一分五厘一毫遇開加銀三十五兩七毫脚耗銀九兩六錢六分一毫遇開加銀八

錢五厘

加增九厘地畝銀一萬一千二百七十兩二錢八分一厘六毫脚耗銀一百一十二兩七錢二厘八毫一絲六

忽

禮部項下牲口銀二百二十四兩二錢六分八厘脚耗銀六兩二錢七分九厘五毫四忽

藥材銀一十二兩八錢八分四毫脚耗銀二錢九分六厘二毫

兵部項下會同館上馬七匹每匹價銀四十五兩共銀三百一十五兩水脚銀七兩二錢四分五厘

工部項下營膳司料銀二百三十三兩三錢三分七厘

五毫腳耗銀六兩五錢三分三厘四毫五絲

廣衙司料銀一百一十六兩六錢六分八厘八毫卅耗

銀三兩二錢六分六厘七毫二絲六忽四微

都水司料銀二百四兩一錢七分四毫脚耗銀五兩七

錢一分六厘七毫七絲一忽二微

屯田司料銀一百七十五兩三厘一毫脚耗銀四兩九

錢八絲六忽八微

牛角箭弦折銀四千三百四十九兩七錢脚耗銀一百

兩四分三厘一毫原編弓一千四十三張箭七千一百

三十枝弦五千七十七條順治三年改弓一張辦牛角

一副箭一枝弦一條折銀一錢

胖襖褲鞋折銀二百三兩八錢五分脚耗銀四兩六錢

八分八厘五毫五絲原編七十五副五分順治三年改

徵折銀

神器軍器民料銀七十四兩七錢二分二厘脚耗銀

一兩七錢一分八厘六毫六忽順治三年奉旨監一

項折銀三兩五錢甲一副折銀七兩五錢刀一把折銀

二兩

狐狸皮折銀一十四兩脚耗銀三錢二分二厘

野味銀一兩二錢二分五厘

翎毛銀四錢六分四厘七毫

按舊胡志所列折色款項皆仍前明之舊本朝順

治九十等年先後奉文徵折定數俱歸丁地起運

戶部項下承運庫農桑絹一疋每疋價銀七錢墊腳銀

一錢三忽

供用庫黃蠟二百四十三觔一十四兩每觔價銀一錢

八分共銀四十三兩八錢九分七厘五毫腳耗共銀一

兩二錢二分九厘一毫三絲

甲字庫贖料銀硃八十觔一十四兩每觔價銀五錢共

銀四十兩四錢三分七厘五毫墊腳共銀一十兩二分

八厘五毫

感硃一十五觔二兩每觔價銀一錢九分共銀二兩八

錢七分三厘七毫五絲墊腳共銀一兩七錢四分四厘

一毫一絲五忽

紫草五觔一兩每觔價銀三分一厘共銀一錢五分六

厘九毫三絲七忽五微墊腳共銀五錢六分一厘二毫

六絲九忽二微五纖

五倍子六觔一兩每觔價銀三分五厘共銀二錢一分

二厘一毫八絲七忽五微墊腳共銀七分二厘六毫二

絲八忽七微五纖

烏梅五十觔八兩每觔價銀二分共銀一兩一分墊腳

共銀五錢八分三厘七毫八絲

黑鉛五十觔八兩每觔價銀三分五厘共銀一兩七錢

六分七厘五毫墊腳共銀六錢四厘九毫九絲

明礬七十五觔一十三兩每觔價銀一分共銀七錢五分八厘一毫二絲五忽墊脚共銀八錢五分五厘一毫六絲五忽

丁字庫顏料錫四十觔七兩每觔價銀九分共銀三兩六錢三分九厘三毫七絲五忽墊脚共銀七錢四分八厘九毫二忽五微

紅熟銅二十觔四兩每觔價銀一錢共銀二兩二分五厘墊脚銀三錢八分七毫

白蠟一十三觔每觔價銀一錢六分共銀二兩八分墊脚共銀二錢六分六厘二毫四絲

桐油三百二十三觔五兩每觔價銀三分二厘共銀一兩三錢四分六厘墊脚共銀二兩八錢七分六厘一毫八絲八忽

生漆四十五觔七兩每觔價銀一錢共銀四兩五錢四分三厘七毫五絲墊脚銀八錢五分四厘二毫二絲五忽

禮部項下薦新茶芽九觔一十兩原編托解銀五兩二錢康熙三十二年裁入起運茶芽免解

按各款本色物料觔兩價値於順治九十兩年先後

題定奉 旨辦解本色外其餘改折於康熙三十年

額定本折項下其銀一千一百四十兩五錢五分五

毫六絲九忽九微一織歷年遵行其間或有奉 部

行文改辦之處然增減不越額定之外本色解銀兌
府府委祿職採買解京折色解司

舊志隨漕起存各款改抵本省兵餉

兌單過湖原抵祿銀三百九十九兩三錢一分三厘七
毫五絲五忽

淮安過湖原抵祿銀一百二十八兩一錢七分二厘一
毫九絲三忽

江南倉正米七分改折銀三千五百三十八兩二錢五
分六厘四毫

副米七分改折銀一千二百七十三兩七錢七分二厘
三毫四忽

協濟建昌府倉米銀一百兩

江南倉船驢腳費銀三百九十九兩九錢六分三厘九
毫

江南倉載批解部銀一百八十五兩六錢三分二厘二
毫

江南棉布本折正耗內除腳耗原支備補款銀另裁外
實裁銀八百四十六兩一錢五分九厘八毫二絲

解司大各祿原編銀三千二百二十二兩二錢一分一
厘五毫內除萬曆四十八年詳免新陞米銀一兩六錢
九分四厘外實裁銀三千二百二十兩五錢一分七厘
五毫

銅印版經由票原編銀二十兩二錢三分四厘四毫內
除存留支給銀一十兩一錢一分七厘二毫外實裁銀
一十兩一錢一分七厘二毫

撫州營把總心紅紙筒銀九兩

協濟昌平州銀五兩

曆日紙價銀六十五兩九錢二分九厘三毫

華山鈞谿二府廩糧工食銀一十兩

各王府校尉銀四百二十兩內除先裁校尉俸鈔銀七
十二兩免編外實裁銀三百四十八兩

益府永盈庫子工食銀四十八兩

弋陽府祭品銀七兩五錢五分九厘

建安府教授柴薪銀二十四兩

界河邗城滕陽睢陽夾溝各驛馬價正脚共銀三百二
十五兩一分七厘

宣化驛馬價正脚銀一百五兩二分三厘二毫

白溝驛馬價正脚銀二十五兩二錢九分九厘八毫

撫州營把總書記工食銀二兩

江南江淮衛水夫工食正脚銀四百五兩一錢八厘

解司兌餉銀六百五兩八錢七分七厘

縣哨官工食銀二十六兩七錢

隊長工食銀三十八兩四錢

戶口鹽鈔銀四百二十兩一分五厘一毫

備補原編銀五十兩一錢七厘九毫內除改抵經制款
頂銀三十兩三錢五分八厘六毫外實裁銀一十九兩
七錢四分九厘三毫

團操民兵工食原編銀一千六百八十二兩一錢內除
存留支給梁夫工食銀三百六十兩外實裁銀一千三
百二十二兩一錢

防守差操民快原編銀一千六十八兩六錢內除存給
吹鼓手銀八十兩及哨船水手銀六十四兩八錢并改
編脩城工料銀二百三兩八錢又改抵經制銀五百一
十六兩三錢一分四厘一毫外實裁銀二百三兩六錢
八分五厘九毫

按改抵兵餉各款銀一萬五千七百六十五兩七錢
一分六厘五毫三絲一忽一微七纖全坐給撫州營
官兵餉銀不敷餘少赴司領足皆明朝原編胡志因
之康熙丁酉年改抵本省兵餉事平之後俱歸起運
舊編解給各衙門經費

本府知府項下

俸銀六十二兩四分四厘薪銀七十二兩心紅紙張
油燭銀五十兩

脩宅家伙銀五十兩桌帷傘扇銀二十兩俱裁現今
止編俸銀一百五兩

書辦二十四名工食銀二百五十九兩二錢順治九

年議定每名給銀六兩其後全裁工食

門子二名工食銀一十四兩四錢順治九年以後每

名編銀六兩雍正六年又裁小建銀一錢

馬快一十名工食銀七十二兩草料銀一百八兩雍正

正六年裁草料銀每名止給工食銀六兩內又扣小

建銀一錢

步快一十六名工食銀一百一十五兩二錢順治九

年以後每名止編工食銀六兩雍正六年又裁小建

銀一錢

皂隸一十六名工食銀一百一十五兩二錢以上步快同

燈夫四名工食銀二十八兩八錢順治九年以後每

名止編銀六兩雍正六年全裁

輪傘扇夫七名工食銀五十兩四錢順治九年以後

每名止編銀六兩雍正六年又裁小建銀一錢

禁卒一十二名工食銀八十六兩四錢順治九年以

後每名止編銀六兩雍正六年全裁

庫書一名工食銀一十二兩順治九年議裁工食銀

一半其後全裁

倉書一名工食銀一十二兩順治九年議裁工食銀

一半其後全裁

庫子四名工食銀二十八兩八錢順治九年以後每

名止編銀六兩雍正六年又裁小建銀一錢

半級六名工食銀四十三兩二錢順治九年以後每名編銀六兩雍正六年又扣小建銀一錢

脩倉備辦刑具銀二十兩康熙十九年全裁

本府儒學項下 教授一員 訓導一員

俸銀各一十九兩五錢二分薪銀各一十二兩康熙十九年訓導奉裁於康熙三十年復設一員兩官共編俸銀三十一兩五錢二分

齋夫六名工食銀七十二兩康熙三十年改編二名工食銀二十四兩

膳夫二名工食銀四十兩廩生支領今全裁

門子五名工食銀三十六兩掌教三名分教各一名康熙三十年改編三名工食銀二十一兩六錢

學書一名工食銀七兩二錢全裁工食

教官三員各喂馬草料銀一十二兩全裁

本縣知縣項下

俸銀二十七兩四錢九分薪銀三十六兩心紅油燭銀三十兩

脩宅家伙銀二十兩迎送上司傘扇銀一十兩俱裁現今改編俸銀四十五兩

吏書一十二名工食銀一百二十九兩六錢順治九年會議每名給銀六兩其後全裁

門子二名工食銀一十四兩四錢順治九年以後每名

名給銀六兩雍正六年又扣小建銀一錢

皂隸一十六名工食銀一百一十五兩二錢與上同

馬快八名二食銀五十七兩六錢草料銀八十六兩

四錢順治九年以後每名給銀六兩雍正六年裁革

草料銀又提小建銀一錢

民壯五十名工食銀三百六十兩順治九年以後每

名給銀六兩雍正六年又扣小建銀一錢雍正十二

年加給器械銀一百兩時常操演

看監禁子八名工食銀五十七兩六錢順治九年以

後每名給銀六兩雍正六年扣小建銀一錢

燈夫四名工食銀二十八兩八錢雍正六年全裁

轎傘扇夫七名工食銀五十四兩四錢順治九年以後

每名給銀六兩雍正六年又扣小建銀一錢

庫書二名工食銀一十二兩順治九年會議裁工食

銀六兩其後全裁

倉書一名工食銀一十二兩與上同

庫子四名工食銀二十八兩八錢順治九年以後每

名給銀六兩雍正六年又扣小建銀一錢

斗級四名工食銀二十八兩八錢與上同

脩理倉監銀二十兩康熙十九年全裁

本縣縣丞項下

俸銀二十四兩二錢二厘薪銀二十四兩俱全裁改

編俸銀四十兩

書辦一名工食銀七兩二錢順治九年會議給銀六

兩其後全裁

門子一名工食銀七兩二錢順治九年會議給銀六

兩

皂隸四名工食銀二十八兩八錢順治九年會議每

名給銀六兩

馬夫一名工食銀七兩二錢順治九年會議給銀六

兩

本縣典史項下

俸銀一十九兩五錢二分併銀一十二兩收編餘

三十一兩五錢一分

書辦一名工食銀七兩二錢順治九年會議給銀六

兩其後全裁

門子一名工食銀七兩二錢順治九年會議給銀六

兩

皂隸四名工食銀二十八兩八錢順治九年會議每

名給銀六兩

馬夫一名工食銀七兩二錢順治九年會議給銀六

兩

本縣儒學項下 教諭一員 訓導一員

俸銀各一十九兩五錢二分新銀各一十一兩

十九年訓導奉裁於康熙三十年復設改編俸銀三十一兩五錢二分兩官共食

齋夫六名工食銀七十二兩順治九年以後每名給銀六兩康熙三十年改編三名工食銀三十六兩兩官均支

廩夫二名工食銀四十兩廩生支領今裁

門子五名工食銀三十六兩掌教三名分教二名庫

廩三十年改編三名工食銀二十一兩六錢

學書一名工食銀七兩二錢順治九年會議給銀六兩其後全裁

教官二員各喂馬草料銀一十二兩全裁

本縣清湖溫家圳二處巡檢項下

俸銀各一十九兩五錢二分薪銀各一十二兩改編各俸銀三十一兩五錢二分

書辦各一名工食銀各七兩二錢順治九年會議給銀各六兩其後全裁

皂隸各二名工食銀各一十四兩四錢順治九年以後各給銀六兩

本縣孔家驛驛丞項下

俸銀一十九兩五錢二分薪銀一十二兩

書辦一名工食銀七兩二錢

皂隸二名工食銀一十四兩四錢

康熙十六年官役奉裁

解布政司支給

布政司應朝臺冊夫價銀二十六兩六錢六分六厘

七毫

科舉并租賃椅桌銀一百一十八兩八錢一分一厘

八毫

進舉牌枋銀八十六兩二錢七分二厘九毫原編進

士枋銀三十五兩六錢三分四厘武進士枋銀一兩

三錢八分八厘九毫舉人枋銀四十九兩二錢五分

舉人水手一十七名每年每名編銀八兩

武場支應銀四兩 武舉水手銀一十三兩以上俱

裁自後會試隨文武舉人多寡動支本年地丁每名

給水手銀一十七兩

解本府支給

萬壽千秋冬至正旦表 路費等銀一十八兩二錢

康熙三十年裁半五十六年全裁

府學廩膳生員四十名每名銀六兩共銀二百四十

兩奉裁康熙三十年復給三分之一共銀八十兩

府學 文廟刻皇香燭銀一兩八錢遇閏加銀一錢

五分

府學看守祭器書籍庫子一名工食銀七兩二錢

正六年全裁

本府觀費及檮册夫價銀二十兩先是三年一次造册朝觀其後改爲每年奏銷各觀費俱裁

本府應朝造册紙張綾袱銀一兩六錢六分六厘七

毫與上同

府歲貢酒禮銀五兩盤費銀五十兩先係赴部考貢

改編盤費後改學道按臨考貢奉考止存酒禮銀五

兩

存本縣支給

縣學廩膳生員二十名共銀一百二十兩與商學同

縣學 文廟朔望香燭銀一兩八錢遇閏加銀一錢

五分

縣學看守祭器書籍庫子一名工食銀七兩二錢雍

正採辦薦新茶芽扛解銀五兩二錢康熙十九年裁

半三十二年全裁

春秋祭祀銀一百六十四兩八錢註詳在後

鞭春塑造春牛芒神等銀八兩康熙十九年裁

門神桃符銀一兩三錢五分全裁

春冬鄉飲酒禮銀四十兩康熙十九年裁半存支給

銀二十兩

府縣官新任祭奠等銀二十二兩五錢原編職事祭

宴等銀九十二兩九錢內除檢校銀七兩八分免編

并改抵經制外實存祭奠銀內府正銀三兩五錢同

知通判推官知縣四員各三兩經照縣丞各二兩五錢典史二兩共銀二十五兩各於到任時支用一次每年減半徵存候用其後俱裁

本縣觀費及棹冊夫價銀二十九兩六錢六分六厘六毫原編積三年共銀八十九兩內縣正盤費銀四十兩棹冊夫價銀一十二兩首領盤費銀二十五兩吏書盤費銀一十二兩自定每年奏銷之後俱裁

縣應朝造冊紙張工食祿祿銀一兩全裁

縣歲貢酒禮銀三兩五錢盤費銀二十五兩府學一歲一貢縣學兩歲一貢合二年與府學同

府縣學應試謄錄生儒路費銀一百一十七兩三錢

三分三厘原編府學應試生儒路費銀四十兩縣學銀三十五兩謄錄生銀五十二兩三錢三分三厘俱裁

考試操賞等銀一百五十二兩原編學道歲考銀四十兩視學講書銀一十二兩府季考銀三十七兩縣季考銀二十兩操練銀一十三兩出巡考操銀三十兩共編前數分全密縣協濟出巡銀二十五兩柵廠銀四兩樂安縣協濟歲考銀八兩出巡考賞銀七兩宜黃縣協濟歲考銀六兩出巡銀七兩轉關支用如不考操扣報全俱裁

迎賀新中進舉貢士新進科舉生員旗匾路費卷資

等銀五十兩詳前

襍支供應過往上司使客下程中伙坐飯等銀三百兩全裁

荅應上司卷箱棕學案板鑽論冊殼等銀六兩全裁
脩理分司併備辦什物及脩理家伙銀六十二兩原編
脩理分司府縣各衙舍墻垣桌椅帷鋪陳銀四十兩置
辦祭宴酒器盆壺桌椅被毯磁器家伙脩整等銀一
十五兩脩埋什物家伙銀五兩俱奉裁分司公館俱
廢現今府縣衙舍什物俱係捐辦

改編脩城工料銀二百三兩八錢原無編載脩理維
艱後奉酌議于差操民壯內扣存改編逐年徵貯如
遇倒塌詳明動支不得派累里民其後奉裁遇倒塌

本縣捐脩

孤貧一百九十名口共口糧銀三百四十二兩冬布

銀三十八兩原設養濟院于南門外康熙二十二年

痲瘋赴司告准分二十六名口糧于驛丞廢址聚

院裁汰加減詳前

刷印版經由票銀一十兩一錢一分七厘二毫全裁

管解各項糧差路費銀六十八兩一錢四分三厘八

毫全裁

荅應皂隸三十八名共銀一百三十六兩八錢雍正

六年全裁

答應上印刷匠工食銀一兩五錢全裁

看守各衙門公署公館門子八名工食銀一十八兩

一錢原編看守布政司分司兼管糧捕三館一名清

泥公館一名雲山公館一名共五名工食銀二兩遇

閏加銀一錢六分六厘六毫守巡東道一名府學射

圃一名共二名每名工食銀三兩六錢遇閏各加銀

三錢北潭公館一名工食銀九錢遇閏加銀七分五

厘雍正六年全裁

樹聲樓鐘夫一名工食銀二兩雍正六年扣小建歸

入起運外存支給銀一兩九錢六分六厘七毫

牛皮是夫一名工食銀三兩六錢全裁

清泥司弓兵一十五名工食銀五十四兩康熙十九

年裁半後遂定數每年銀二十七兩

渡夫七名共工食一十四兩每名歲給銀一兩五錢

外給脩船銀五錢全裁

哨船水手一十二名共工食銀六十四兩八錢全裁

改編吹鼓手一十六名共銀八十兩原無編載凡遇

頒詔慶賀近春祭祀接送過往上司皇華駐節舊係

民快答應後改編民壯差遣不敷吹手實難缺用酌

議改編雍正六年裁汰八名工食銀四十兩

改編守城槩夫五十名工食銀三百六十兩全裁

走遞人夫一百九名共銀一千五百六十九兩六錢

順治九年 題定五十四名雍正四年奉又裁八名
雍正十一年又裁一十四名

走過差馬三十五匹每匹馬價工料銀四十八兩共
銀一千六百八十兩順治九年 題定一十六匹雍
正四年裁四匹裁馬夫一名

孔家渡驛廩給銀二百六十七兩八分康熙十六年
裁孔家驛館夫四名工食銀二十四兩康熙十六年
裁

舖司兵一百一十八名半共銀八百五十三兩二錢
原編府前總舖五名縣前三名九里鍾家嶺河塘白
塔傳哈東館基橋檀林界山永豐萬年壽春菱湖共
一十三舖各五名沙堰戴湖黃塘牌頭新路龔家蕩
石大嶺共八舖各四名韓家下城烏石梅州四舖各
三名平團一名半遇閏各加銀六錢康熙三十年裁
定七十六名

按胡志所載解給款項大率因明舊 本朝節次
裁減所裁銀兩俱歸入起運解司

沿革事實

康熙五年奉 部議兵餉不敷將各省俸工暫裁克餉
康熙七年照舊支給

康熙十四年 部議新裁存留俸薪工食并襍支各款
解克兵餉

康熙十五年將驛遞夫馬工料裁四起解

又官戶錢糧每兩加壹錢米每石加壹斗徵解克餉

康熙十七年奉文城鄉集鎮官道沿街平屋每間徵稅

銀壹錢樓房每間徵銀貳錢克餉徵收壹年卽止 又

發塩帖叁拾陸張每張徵銀肆兩

康熙十八年奉文稅契分上中下三等縣分臨川爲中

縣定額貳百兩後停正 康熙十九年將夫馬工料暫

裁十分之三裁府學訓導二員縣學訓導壹員惟兩學

正齋巡檢俸銀祭祀孤糧監庫斗級表箋茶芽夫馬存

給事平照舊支給 又奉文酒舖領帖起稅每張徵銀

壹拾兩煙壹劬徵稅銀貳厘臨川詳定酒帖肆張徵銀

肆拾兩煙帖肆張每張徵銀壹兩伍錢共銀陸兩克餉

後停正

康熙二十四年奉文 聖治當重熙 洽之際等事復

廩生餘糧三分之一每年每名給銀貳兩

康熙二十八年欽奉 恩詔事免徵塩帖稅銀

康熙三十年定正地丁銀內分隨漕本折存留驛站起

運自此定矣

康熙三十二年欽奉 恩詔事蠲免正副漕米貳萬叁

千捌百柒拾石零其耗米壹千伍百陸拾石零不免每

石徵折銀玖錢徵銀起解

康熙三十五年奉文吊解府縣正印官俸役食克餉其

餘不吊

康熙三十六年詳明動支丁地銀叁兩買布拾疋給民人張陸御之妻金氏一產三男其後俱養育未成

康熙五十二年欽奉 恩詔事蠲免五十二年地丁錢糧五十一年及以前未定俱停徵壹年俟五十三年

徵存畱項下表箋廩生兩學香燭祭祀孤糧驛站夫馬俱赴 司具領轉給本色物料亦赴 司領銀買解其餘俸工停給壹年俟五十三年徵收地丁銀補給但隨漕錢糧乃運漕必需在所不免每糧壹石徵銀五分五厘八毫一絲自此隨漕另柜另申于八月內開徵

康熙六十一年奉文吊捐府縣正印官俸役食惟鵝傘禁予不吊散款內荅應皂隸公館門子鐘夫吹手亦吊共銀壹千肆百伍拾柒兩叁錢

雍正元年欽奉 恩詔事實給老人動支地丁銀伍百壹拾陸兩陸錢陸分

雍正二年欽奉 恩詔事實給老婦動支地丁銀壹百壹拾壹兩

雍正三年奉文地丁銀壹兩外徵餽銀柒厘隨正解兌又欽奉 上諭事起建忠義祠動支地丁銀貳拾玖兩肆錢伍分伍厘

雍正四年欽奉 上諭事起建 先農殿動支地丁銀玖拾柒兩肆錢陸分叁厘 又奉文議裁人夫八名工

食銀捌拾陸兩肆錢仍歸驛站項下解道 又奉文將倉穀碾米伍千伍百石運闕濟荒

雍正五年奉文裁差馬四匹草料銀壹百壹拾伍兩二錢馬夫壹名工食銀壹拾兩捌錢仍歸驛站項下解道又置藉田肆畝分陰塘壹坵坐壇前

雍正六年撫院布 題裁府縣燈夫各四名府禁卒壹拾貳名府縣學看守庫子各壹名看守公館門子八名峇應皂隸叁拾捌名共銀貳百捌拾玖兩叁錢又裁府縣馬快草料銀壹百玖拾肆兩肆錢又扣現在府縣役及鐘夫吹手各小建共銀壹拾柒兩叁錢陸分陸厘肆毫俱入起運

雍正六年又欽奉 上諭事因江西歉收截留漕米壹拾萬石臨川縣截留米叁千壹百貳拾貳石柒斗叁升仍解省倉 撫院張 題明壹米兩穀易穀存縣次年奏足肆千石裝回平糶每石價銀捌錢伍分

雍正八年奉文裁吹手八名工食銀肆拾兩入起運雍正九年欽奉 恩詔事每地丁銀壹兩內蠲免銀貳錢壹分捌厘柒毫陸絲貳忽玖微令江西通省免銀肆拾萬兩臨川縣共免銀壹萬貳千二百壹拾捌兩三錢陸分伍厘零其加一耗羨仍徵以爲各官養廉并公用又奉文于本縣皂隸內分肆名改設仵作工食銀貳拾叁兩陸錢

雍正十一年奉文加給民壯火藥器械銀壹百兩製備
鳥鎗長槍藤牌操練 又奉文裁人夫壹拾肆名工食
銀壹百伍拾壹兩貳錢其銀徵收存縣庫如遇差使繁
多動用僱夫替應支餘起解如無動用年終解道

雍正十三年奉文將隨漕及兵糧耗費南米折色俱歸
地丁項下統徵分解南糧本色兵米歸漕糧項下統徵
解給 又奉文編設 關帝祭祀銀肆拾兩春秋誕辰
三祭勻支

乾隆元年欽奉 恩詔事動支地丁賞給老婦銀貳百
壹拾玖兩叁錢 又奉文蒙署院事藩憲刁 適南地
丁每兩免徵飯銀柒厘

乾隆二年奉文改入溫州司弓兵貳拾貳名工食銀叁
拾玖兩陸錢遇閏加銀肆兩玖錢伍分此款原編在崇
仁縣支領改歸本縣就近支給以乾隆三年為始

乾隆三年奉文孤貧照江南例每日每名食銀壹分加
閏月不給冬布扣除小建用單批解司以乾隆四年為
始其事詳載本款之下 又奉文將稱貯倉穀動撥

石賑濟江南差役解運青山等處交卸

在籍候選吏唐 珩 編輯

裁革大馬呈詞 本朝王昇 呈為馬夫慘役瀝陳弊利可

恩矜發裁奪允令官自顧後百姓輸銀勒縣確行仁政
第一事切惟臨汝窮氓節下牧蠹茹荼飲鳩害非一端

獨馬政尤關重大計本邑畝分四百四十八里錢糧七萬三千餘石舊額人夫一百一十七名走馬七十二疇條編內官給每疇價料銀二十四兩人夫工食每名七兩二錢毫不加派民間近因官無法紀貪猾朋姦改馬爲夫每馬一疇用楚轎夫二人每三畝共走一馬克役者三百三十三畝尙有一百一十七畝漏脫並由蠹墨之穿闕且每畝不論糧之多寡止照畝分硬派臨川畝甲與他縣不同每畝有近十石者或近數十石者每甲有近百石者或近石餘者以數十石而等千百石以石餘而等百十石糧派之不均由于功令之昏蒙每糧一石或派銀三四錢五七錢甚至一兩二兩有餘每馬一疇其費撥充銀幾近二百兩計求之權操于夫頭權肌剝膚痛難盡述近經節按院道或模糊回報或束置高閣阻撓之弊由于錢神幸逢大宗師拍臺日照繡斧風行黍谷回春希沐鴻鈞再造借陳弊利書爲一冊乞勅刑廉委于條編之外責令百姓每石貼銀一錢或七分六分交納於官責令兵房給銀于夫所輸之銀全正糧追比所催之夫與百姓無干上可効勞于公下可便益于民者爲令甲永遠確守庶臨汝子遺稍脫湯火梯航洪恩海岳高深矣順治八年十二月二十八日具呈按院一陳今昔之弊語曰問山之險易不如其樵問渚之淺深不如其漁問今昔之利害不如其耳聞目擊者

也臨邑三十年前僉報城中殷實戶丁走馬一疋每年官給價料銀二十四兩其時驟馬稍賤食用亦廉應僉者不至大累間有馬死賠償及折乾林銜之費破其家產者非通縣之大害一二人之害耳是馬政之壞天行物灾猾差勒索爲之也嗣後改僉鄉中殷實戶丁官與民隔崇爵臺作牢陷扳扯賣放買脫展轉浮沉官不獲一馬之用而一馬已破百十家之產矣是馬政之壞又自孟虬刁姦爲之也崇禎末年先任縣公曹旣暢事情改爲官買馬官顧役之法計舊應買馬若干頭每馬募夫一名計每日食料銀若干月朔張發俱係條編內銀毫不能派民間官有慈惠之稱民無走馬之擾法稱恭

善未幾兵變薦作前規盡廢是馬政之壞又時艱勢變爲之也定鼎以來無馬可買於是改馬爲夫每馬一疋用堯轎二人責令里甲現年輪次克當十排陪糧津貼付銀與現年之手現年轉泊城市積攬夫頭代爲顧募散夫答應官司義非不當無奈貪猾朋姦虛弊種種卽如臨川四百四十八畝舊例馬七十二疋人夫一百一十七名載在邑籍可覆稽也據今三畝克一馬是去二百一十六畝矣據今一畝克一夫是去一百一十七畝分矣合四百四十八畝分筭之止三百三十三畝供役尙餘一百一十二畝獨不當役今查出係隅廂畝分及吏書包坐統管朦朧漏脫且借說隅廂有許多鋪墾掛

絲等項雜差不應走馬克夫果如所云鄉都畝分其雜派雜差十倍隅廂何又應走馬克夫也所以然者緣各衙門吏書門皂悉係隅廂之人故敢舞文弄法卽令鄉都錢糧詭寄在隅廂之戶者不下萬餘石緣隅廂之人素不交糧糧且可詭寄可逋負况又肯克馬夫乎至於吏書包胥又誰得而詰之此畝分漏脫之弊可嚴誅也又據今三畝共走一馬畝分均矣糧之數不均也臨川畝甲與他縣大不相同他縣畝甲錢糧多寡不甚相遠惟臨邑每畝有糧近千石者有遠數十石者每甲有糧近百石者有僅石餘者以數十石而等千百石以石餘而等百十石其可以照畝分克馬夫乎此照糧不均之弊可憐也據今改馬之夫二百一十六名矣人夫之夫一百一十七名矣通共三百三十三名臨雖劇邑未聞每日而有三四百人徵發也蓋舊所謂人夫一百一十七名者緣臨川貴宦特多如登黃甲一名便有轎傘夫五名皆取應于該縣之夫也今尊官貴宦如晨星矣三四百名之夫尚不足以供遣調而猶云夫必加倍工食必至百十倍乎有夫之名無夫之實一夫之用冒十夫之名其欺冒隱蔽之弊可重罪也舊條編內有馬價工食銀今未知盡給付夫沒否而夫役不知盡領訖否但見每夫一名責里甲撲克之費順治五年則每畝三十兩六年則四十兩七年則五十兩八年則五十五兩

矣歲日加增半日加益安所底止在官則暗騙夫頭在夫頭則倍騙鄉氓緣鄉民不能答應官司勢不得不撲之夫頭而夫頭又係世代積棍根牢蒂固結黨朋克鄉民欲別僱而又不可是以未撲則豫爲迫挾將撲則故爲刁蹬既撲則十倍勒索下鄉則逼同虎差動輒捶楚官費一分民費十分此以一夫而有百金之費也以視往昔七兩二錢加至七十二兩而不足此吞噬剝割之慘可痛哭也臨之窮民一年當里催一年當馬戶又一年當經籍三年之內坐卧針氈逃亡缺甲多矣前有不次控臺者蒙批有官暗吏貪之語有臨民意在均馬政經久善後之語有仰該縣議報之語而或模糊回報或索置高閣竟不與民興利除害所以然者一緣史書係陽廂之人不肯將畧分均派一緣夫頭係積攬之蠹陽則告累不肯克當陰則誦詆不肯脫卸一緣宰牧非清白之流錢神旣足通天民瘼又不關心此阻撓相沿之弊可太息也嗚呼人窮則呼天疾痛則呼父母惟號斯言有倫有脊乃有民窮而不知恤人怨而不知懼視天憂憂謂父妾斯民者何○一陳更薪之利語曰利不什不更制害不什不變法令政當更變之時矣請借陳之昔王荆國變差役之法爲顧役謂此法終不可罷則今仍當變民顧役之法爲官顧役之法也夫民顧役則夫頭可以勒騙官顧役則夫頭律有定規民顧役則不知

在官應用夫役之數官顧役則在冊有名數時日之條請責令兵房每吏書一名管夫頭幾名每夫頭一名管散夫幾名如夫頭告累脫節此係挾制官司之惡習今在城夫頭皆以此致富曾見有受累而貧窶者乎在吏書則皆探驛客往來登記夫役名目道里遠近時日之數如往會省若干里若干日去則付與小票歸則按票記簿不許重疊參差不許耽擱丟閒計臨川三百餘名之夫卽有重疊差遣未嘗不可挪移輪流也豈日日向有三四百名之出發乎在夫頭則獨其本身負擔顯主與集督率在散夫則身日報名登冊於官認管于夫頭任行李不許過八九十觔在官驛不許擅加捶楚在工食則月朔俵發不許將陳年錢糧發兌不許留難請託不許抽分尅減如吏書尅減罪坐吏書如夫頭尅減罪坐夫頭銀不入夫頭之手則散夫自樂應募矣差無重疊耽擱之害則散夫自樂應役矣每日清查會筭夫役必不敢悞事夫頭不敢隱蔽矣但往時工食銀止七兩二錢今時食物稍貴宜酌加至二十兩或二十五兩則夫役又樂應命矣臨川縣夫三百三十三名應工食八九千兩除現條編銀在官之外應加派於民間請將臨川七萬三千餘石錢糧總筭每石應加至一錢或七八分另行鐫發易知單內如正項丁糧每石應納銀幾錢幾分加派馬夫銀每石應納銀幾錢幾分同正糧徵比

輸納不許另票另差其必載加派之數分爲兩項者一懼日後行之既久貧官墨吏將此項馬夫銀兩混入條編內而走馬仍責之民間不可復考其由來之故也其必同正糧一票追比者一望世既承平後或有馬可買工食不必過奢則此項即可銷除不必復派民間故也說者謂在官馬夫已有條編銀不敢將此項加派之銀聞之 上臺是所謂掩耳盜鈴天怨人怒者也百姓既已愿加派矣何又不可聞之 上臺也又有謂百姓正糧且不輸納何況加派夫馬之銀是所謂欲加之罪何患無辭者也若云百姓不盡行輸納何不比過額之數亦足挪移包總也曾見臨邑之民畧盈其額如加派該銀八分權加一錢是卽有負欠之民有正糧而不交至八九分者乎說者謂宦衿優免不可一概加派則何不鑄定宦衿優免若干石舉貢生員若干石不在舊優免幾丁幾石之內如是尙有阻撓之者乎說者謂吏書畏勞不肯分官募役則在官何事所職在是所營求在是而可以濟手蠹官府乎說者謂夫頭告累不肯包管世豈二三十金不可以募一夫役而爲之貽累乎今傭工于民間者不過歲三四金耳帶食用不過十餘金也說者謂或事有繁冗在籍報名之夫不足供應勢必夫頭代爲別顧今據有三百餘名之夫矣卽令一班差二百名亦足供三班之重疊也况重疊之日少而空閒

之日多乎嗚呼從前言之弊若燭照臨汝才遺目坐針
飽踟天踏地呼籲莫聞從後言之利可釐舉仁人君子
舉斯加彼易如反掌但非秦鏡犀照又慮魑魅叢茲倘
斧斷不嚴則蠹墨之熾愈熾如水益深如火益熱言之
者罪已甚行之者威愈赫矣千載青史朝家柱石獨望
於烏府柏臺者其于攬轡澄清當道埋輪之風不千古
有光乎不揣狂瞽伏乞上裁

此案奉各憲節次禁止歸驛站項下克辦

康熙十六年三月申詳荒缺一案 本朝胡亦堂 爲殘黎

困苦已極丁田荒飢甚多等事據闔邑難民杜尊蕭磨

天顏游可大唐正席普立黃增光 鄒王吳張唐八會成

汪吳彭等維彭曾朱英良等二百七十三名又據生員

黃石麟章定國徐元功蕭譽收黃上吉等五十八名鄉

約姜映台饒正中李忠信唐吉白等九名各具被賊焚

劫荒亡等情呈詞前來看得臨民之罹寇年甚一年臨

土之無財日深一日其間顛連疊苦催撫交窮不得以

前縣已言而不敢再言其所未言亦不得以前縣之請

未遂而不敢更請其所不可不請有若丁缺田荒一案

者也夫民爲邦本吏爲民牧此在承平猶不敢緘默因

循以致病民悞國况屠掠之慘較酷於他州死徙之悲

倍劇於各縣如撫屬臨川者乎卑縣受事數月隨有闔

邑難民杜遵肅等生員黃石麟等鄉約姜映台等以再

陣殘黎困苦已極丁田荒缺最真等情環庭泣告閱其詞言言洒血字字傷心有民如此置吏何爲徬徨酸楚之吁幾疑前令之疎於事而闇於情也復取前縣之請詳細讀之則已痛哭枯賈生之淚流離肖鄭俠之圖免而民瘼猶有然者何也伏而思之亂深痛劇與歲俱增無足怪者今臨之衝疲凋瘵民之殺戮流亡前縣已經縷訴職不敢督芻將丁益加使田益加荒之故再痛陳之夫天有剝運地有絕脈民有死機三者備而國墟臨皆應之初死于寇則丁缺再死于疫則丁缺三死于憂痛逃亡則丁愈缺此前縣報過死徙絕丁壹千肆百伍拾柒卑縣復查出死徙絕丁伍百伍拾非戮刺之殘父

孤兒卽孺餘之寒夫餒婦也又加之以憂痛迫之以逃亡丁安得而不日缺一日乎一丁絕則十畝之田荒推而至於千萬則萬億之田荒此前縣報過舊荒田地三千九百八頃有奇卑縣復查出新荒田地壹千貳百柒頃有奇已什之僵屍固不能耕也未死之餓殍亦不能耕已逃之絕尸固不能耨也未逃之瘡痍亦不能耨矧無牛種且無屋廬如是而田安得不日荒一日乎卑縣觀此情狀屢畝遍查百里無烟白日哭空村之鬼四鄰抽棘寒風捲葬骨之沙傷心慘目莫甚於斯若復默而不言則苦不達苦不達則病且深今日之幸未盡缺幸未盡荒者他日不至盡荒盡缺不止此卑縣所以撫膺

而泣血大聲而疾呼者也爲令不敢不請爲民不敢不請爲國亦不敢不請捐其已缺之丁則現丁可活漸加以撫恤而使者亦可以圖增赦其已荒之田則近田可治漸加以開墾而荒者亦可以再熟其爲利害何啻天淵况逢日皇恩軫念洞悉民瘼上憲仁慈有加無已言之不從猶不可不言况言之必從又安忍不言伏仰憲臺爲國留民爲民立命保殘疆于初復足財賦于將來下吏雖有言而不達者達其情於各憲則各憲之恩皆其恩不民日望蠲而不遂者遂其願於 聖朝則 聖朝之德皆其德庶幾民獲更生人歸樂土而危疆可保足食有原矣

康熙十六年十月再詳缺一案 前人為瀝陳魏邑災破等事看得臨川爲撫郡之附郭寶 東之要衝康熙十三年八閩告變侵及鄰封建昌不支而禍中於撫郡矣秋七月郡城失陷屬邑胥淪臨邑幸藉郡城之重首經恢復然而未陷已前之震動既恢已後之摧殘官不能安其職民不獲聊其生此乾坤何等時而堪急催科於水火之中此十三年之殘漕難以致詰者也十四年進勦建昌漸次旁攻各縣止此一塊土爲進戰退守之基終歲之間征戍絡繹師之所處荆棘叢生加以芻粟窮凋瘵之脂膏力役竭瘡痍之筋骨始搜鋒鏑繼染天災死喪之威一室而九以政人稀土曠四境荒蕪此去

四年以後之錢漕難以究覓者也卑縣於今二月內受
事經徵者十六年之銀米核管帶徵者十五年之民欠
乃甫開徵控陳盈几類皆蠹濫才遺日以荒蕪困苦泣
訴哀情比經稟許申情轉懇題獨在案殘黎仰望何
啻雲霓茲奉部駁不第十五十六年之不免兼以十三
十四年之查退捧檄徬徨莫知所措夫以連年喪亂版
籍爲虛按名而稽或化青燐白骨履畝而勘半成衰草
寒煙諸如此類豈惟盡力南畝之無人卽求一慟哭秋
原者亦不可得矣邇幸鄰邑蕩平招徠復業以兩年之
賦一時並徵譬猶疴羸病夫負戴兼任方慮其殞越弗
勝倘再益以三十四兩年之舊欠勢將疊票叢差民
難四應徒致紛紜設使舍近求遠務博虛名是以昔年
之積逋爲今日之帶徵則本年之未完又爲來歲之積
逋矣語云天地生財止有此數而况兵燹之餘黎乎且
恐年累一年民不堪命不但遺者難以招徠卽近者將
見徙而他適不但荒田無望乎復墾卽見墾者將必更
致于拋荒此非膽識該備才力兼優者不能辦理而豈
卑職之力綿技薄識暗才疎者所克堪哉與其後時而
煩糾紊孰若預事而求罷斥旣可以保命全軀又不致
妨賢病國束躬以待瀝血披陳

康熙十七年九月又詳荒缺一案前入爲奉 旨嚴查
節年錢糧以濟軍需事看得任土作貢因編氓奉上之

誠薄斂蠲租實朝廷子民之惠况頻年遭寇萬死不得一生到處屯兵九空且無百室如江西之罹變故倅最久者乎荷蒙總督部院董巡撫部院佟暨各憲臺憐念地方荒殘黎民死徙如十三年以瀝陳郡邑等事十四年以郡邑半皆殘破等事十五年以各屬荒殘益甚又郡邑殘破已久等事歷將苦狀題請蠲徵雖賈傅之直言難窮痛哭卽監門之圖繪未盡形容者矣內部以需餉孔殷具覆不允議將三十四五十六年未完銀米自十七年爲始責令帶徵且云地方旣已平定何得輒言蠲豁着設法徵解是內部固從裕餉起見而殘黎日望恩詔來頒卑縣捧讀之下懼而且憂蓋懼止身名之利害而憂關民命之存亡卑縣在臨言臨實堪驚悼臨川爲邑界粵聯閩地瘠而衝民貧且寡在昔承平之候猶苦供應之煩至十三年正月間吳逆告變土賊乘機劫殺其人民焚燒其廬舍釜魚阱鹿暮不保朝雖破城在手七月而被寇實已多時固難以四月完半之成例責此救死不遑之民矣及九月始復城隍然徧鄉俱爲賊踞而我兵僅守空城但聞新鬼之號不見行人之跡是雖城池恢復而與未經恢復者無異此十三年積逋之銀米斷斷不能按月如算三年帶徵者也至于四年楚閩二寇交訐西江騷情愈熾其間小民之殺戮與夫田地之荒蕪者日甚一日嗟此予遺旣不能

各保其生命又安能獨完此正供此十四年復逋之銀米又斷斷難以設法追徵者也若十五年崇樂宜三縣之逆寇時震於鄰封致滿與漢分調之官兵不絕於道路惟茲現熟之肥壤猶乏人力以耕耘何況拋荒之石田必難起僵屍而墾闢是無人自必無土無土自必無財此十五年未完之銀米又斷斷難以設法追徵者也及十六年幸賴督憲親統大兵以勦以撫廓掃妖氛然寇雖平而民之死亡如故地雖復而田之荒蕪如故死者之所欠生者不能代賠也逃者之所遺存者不能強納也他姓之若死若逃而積逋此姓之幸而不死幸而不逃者不能剜肉而醫瘡也此十六年未完之銀米亦斷斷難以設法追徵者也總而論之十五十六之未完卽三十四之所欠如其可追則前日不待遲于今日如其有解則前官因何累於後官倘謂時已太平地皆恢復而欲以四年逃亡積欠之銀米責之荒村奄奄待盡之遺黎勢必以死累生以荒累熟以少累多以舊累新不惟無益而反有損縣官之身名不足惜其如國計民生終於無補又將何策之從哉目前遵奉被寇荒亡既多請勅及時屯舉以培邦本條議卑縣現在捐貲加意招徠竭力勸墾或授以穀種或資以耕牛矣然功須漸致勢難猝圖若必令此招徠勸墾之民遽完從前積逋之賦竊恐逃者招之不能盡至至者繫之惟恐復

逃柰何柰何且查十四年十二月十二日 恩詔款內
現開用兵地方民力重困蕩平之後應行蠲免賑恤事
宜卽行奏請夫不但軫念其戰戮之時而且垂憫于蕩
平之後則大哉 王言仁恩正自無窮今縱不能望賑
恤之如何遂并無蠲免之及乎况陝西福建浙江數省
蹂躪區處節年銀米具得邀 恩蠲免嗟彼江省何獨
非王民王土乎救此一方以溥 聖澤諒內部亦必深
思熟慮覃敷一視之仁者矣卑縣忝司民牧日擊民瘼
若復畏而不言必致民罹湯火是以不避斧鉞瀝血陳
情謹將逐年荒亡劫戮情由繪圖再請伏乞憲臺憐茲
殘邑亟允通詳俾節年銀米仍賜 題蠲庶幾存此喘
殘然後徐圖生聚則如天好生之德真堪以撫名州廣
仁成惠之恩不止因荒發粟矣

奉行查文坍塌沙渣田地請免虛糧詳文

本朝李廷友

卑職遵查臨川爲附府首邑大江有二東爲汝水源出
建屬廣昌北流六百里會南豐新城瀘溪南城各水入
縣南界并金東二邑諸流繞郡城東北而合於臨臨水
自崇仁藥山發源行百五十里納寶塘西寧羅山宜黃
各溪之水出郡城西北與汝水會而北流百二十里出
三江口以達彭蠡春夏之交溪水漲發江流瀨瀚兩岸
田地衝激坍塌日殷月削殘缺漸多至雍正十一年山
水陡發平地水高或丈水退沙刷塞淤田地卑職親目

勘查力勸開墾十復八九間有竟成石田而不可墾者
至於溪邊河岸坍塌較前更多卑職令其以漲抵坍詳
報立案終難補其缺額幸際昇平豐年屢慶室多益藏
小民未至拮据然隱忍一時難久賠累欣逢 皇仁帟
冒保爰黎元洞悉民隱坍塌沙淹田地因大部議奏

俞旨准行查丈憲檄下縣萬姓歡騰時值禾稻在田未
能印勘出示曉諭開報前來卑職親自履畝細查只因
印册久失核對無憑既慮虛糧累民又恐奸詐舞弊一
號明陌必就曷正草册挨查數號始能確見此號之無
欺公事殷繁又多作輟悉心查丈實歷年餘始得無混
無遺確有清册共計坍塌一則田五十七畝五分九厘
二毫九絲六忽五微二則田壹千七百九十五畝三分
九毫一絲五忽五微一織三則田壹百六十二畝九分
九厘八毫二絲三忽四微一織一則地壹千二百三十
二畝四分二毫九忽六織一則山一十九畝三分一厘
八絲五忽一則塘壹十三畝二厘五毫三絲七忽三微
二則塘八畝二分一厘二毫八絲六忽六微沙淹二則
田四百八十二畝四分六厘九毫四絲六忽六微三織
三則田壹百五十三畝三分九厘四毫一絲七忽一則
地四百三十二畝八分六毫九絲八忽五微八織一則
塘二分二則塘五分四厘八毫八絲七忽六微二織通
共各則田地山塘坍塌沙淹四千三百五十八畝二分

七厘一毫三忽二微一纖無從舉復共計各則虛糧缺銀壹百五十四兩一厘八毫一絲三忽四微一纖五沙缺米八十三石四斗六升四合八勺七抄二撮六圭一粟四顆一粒另造清冊全印甘各結詳請憲臺查核轉報得蒙八題請豁免虛糧感荷 皇恩實懷憲德惠施萬姓澤被禾秋爲此備由另冊具申伏乞照詳施行
乾隆三年閏九月十六日詳奉署撫州府正堂本府清軍糧捕分府加一級康 批仰候照例委員會勘核轉繳冊結存送乾隆四年十一月二十二日奉本府正堂加一級紀錄八次劉 票開乾隆四年十一月初七日奉巡撫都察院 批本司詳江省節年冊荒地畝缺徵銀米請豁緣由奉批仰候會 題餘已悉仍候督部院批示繳冊結存送等因到司行府蒙批合就抄着轉飭爲此仰縣官吏照票事理卽便知照仍候部覆至日另檄飭遵毋違

乾隆六年十一月內奉 各憲行准 部覆欽奉

恩旨照數豁免卽於乾隆六年爲始減除銀米出示遍行

曉諭萬姓歡騰均沾寔惠

整飭社穀良法等事 本朝唐孝本 臨川社穀久貯於官

春秋推陳出新例與常平併糶而不借乾隆七年奉院憲陳 條諭通省凡有社穀均宜分貯各鄉聽民借還

臨川縣志卷之十六
年年生息聽民借還則民無遠跋之苦年年生息則穀
有日多之勢以民養民可以補賑濟平糶之未及併准
移常平倉穀足本以濟不敷前令晏江李廷友體其意
而力行之分發一十三處司社長副各領以借給鄉民
惜秋歛未報李令遷卒冬杪署令沈循其定限檄催不
匝旬而各方所借之穀升斗入倉一一告訖此固臨民
之奇法而實見李令當時之酌量遠近簡任得人也余
嘗思立法欲善行法尤欲善撫憲陳悉心籌畫條諭
諄諄其惠養斯民之意固至深且厚李令能奉行良法
推廣德意動見成效亦匪易得也後之司是職者踵而
行之毋移舊軌其造福臨民豈淺鮮哉

風土志

臨川瘠土也山澤所產無可數之珍宮室衣服飲食儉
嗇殊甚然予按其風土爲他郡邑所不能及其大者有
三善焉地無鄉城家無貧富其子弟無不學詩書之聲
盡室皆然一善也女子閨藏雖婢妾不出閨門富貴無
治服之遊阡陌鮮饁餉之婦二善也貧富不相制貴賤
不相兼傭保作苦衣食弗克不甘僕隸三善也惟是尚
氣好勝事無大小弗克自斷動輒經官故案牘之繁自
黃記之化其偏而克其善王道易易于此信矣

景定撫州志云撫州之境山川清麗其俗風流儒雅道教

隆洽地之肥瘠不等其民勤於耕桑以自足其士樂讀書好文詞尙氣節畏清議淳龐信厚其天性則然名儒鉅公彬彬輩出牛羊牧於山谷者不收五穀滿於郊野者不垣晏然不知袍鼓之警也

謝無逸臨川集云昔有王右軍謝康樂顏魯公之爲太守故其俗風流儒雅喜事而尙氣有晏元獻王文公之爲鄉人故皆知尊禮縉紳

景定臨川志云唐中和五年刺史危全諷始遷今治鹿震揖翼朝辛附癸壯谿山複疊之勢而無舊治卑偏之陋地大人庶寇冕一路而人物盛多亦異他邦周益公進士題辭曰此邦非特地大人庶寇冕一路而人若晏元獻之進賢好善王文公之文學行誼曾南豐之主盟斯文存公輩以奇材冠南省陳公孺以攀援遜大魁皆後來所當思齊者

梁簡文帝與蕭臨川書應分竹南州剖符千里地秦閩蜚人本輕情

胡志云臨川爲禹貢揚州之域其民二男五女初疆環九縣各以所壤比同俗然君子素樸不好奇袤小人險陋而畏犯上境內皆同每冬十一月長至日以紗牢祀始祖於祠鼓吹蒞事歲暮除夕同堂之親合室共飯飯畢乃伏設五簋酒數行後稍奢有以賓饗雜家人禮者洒掃庭內陳設以祀俗用紙印花草人物名曰仙窟粘香案前奉天香

又五色錢著門扉壁之上盡元夕乃去之於臥內鳴爆竹
而出昧爽各具衣冠詣祠拜先祖已拜尊長尊長立受舉
行不得以齒貴廢禮坐飲椒酒退復如尊長所居見諸母
若諸祖母兄弟子姪成羣往來明且親友登堂設醴而退
元宵家家速客密親往來以除夕飯飯之然有數啣卽他
往者不入紛然不以爲嫌張燈則有蓮花裏榼散子走馬
龍虎獅鯉魚白雀小鰲山大紅毬落地三盞之屬皆勇
五色紙爲之不羨續紗刻絲之屬少年挾簫鼓壯夫弄火
毬馳驚南北以爲樂未有織袿冷服雜於遊人之伍者明
末於七月十日望前三日皆燃燈滿市惟小兒數百執木
爲兵以相滅殺非古徵也清明掃墓道路如織民間皆用
大豕肥豕先路必以鼓吹歸而飲膳常有醉飽爭鬪之禍
五月懸艾泛蒲以角粽相問登擬峴臺觀競渡士人暑假
九葶一葛冰純綺紉貴者有之七夕無乞巧曝衣事中秋
瓜筵九日奠酒登望則三閣及青雲峯無復甬湖昔時之
盛十月始寒製木棉裘富貴家雜以湖綿取溫自足冬攜
篾火具夏挾蒲葵扇間有柴湖綿着紬裡者謂是吳中後
俗不敢使父兄知屋館無巧匠經營取安而止搜多卑暗
閣聽堂後擺騙相如越中賸如越中賸
迺多不謂天井嫁娶喪葬無夸鬪侈靡之習惟師巫闈
門僧道開路之習不能盡革飲食簡陋鷄鶩魚鱉之外闔
中海中來者皆下品也設客大半皆猪肉變幻各品以充
數名庖自古不至明末稍務珍錯有至肝中名廚南州市

酒者而浙鯨皖鮪九江之蟹醪花袍遂續續而來其後非百器不敢饗郡邑大夫非羅列不敢會寇蓋客而力亦不及燕會日稀矣吳謳越吹以地僻罕到饗官長則呼土俗皆農隙學之拜揖語言拙訥可笑近官長多自畜之世族之家不敢驕人田主雖連阡陌其待佃客無干役萬僕之意友不跪迎亦不傾險四民皆重犯法不安險健訟師亦不善辨文嘉隆萬曆間士質民醇晏然不知桴鼓之警發召之後自宋真仁來文章經術顯饒百代人樂吟諷家貴圖史遺風猶未墜焉喪亂以來艱苦化離風俗又少變矣

巴上風俗

周禮職方氏辨九幣之國使同貫利南康曰揚州其利金

錫竹筒其民二男五女其畜宜鳥獸其穀宜稻

史記貨殖傳衡山九江江南豫章長沙是南楚也其俗大類西楚江南卑濕多竹木豫章出黃金然犀犀物土所有取之不足以費

唐寶曆間金谿未縣屬臨川曰上幕鎮鎮東二里白面塢與銀山金窟山並產銀遂置爐冶後鑛脉絕塢吏以額

虧獲罪吏二女不勝痛投爐而死事聞額除

詳見烈女傳

宋慶曆五年郡守王周於城西戰坪得金山子獻於朝遂置場於其地穿井千數無所得等廢

戰坪卽展屏

宋乾道間都城東一百二十里東山產鐵置東山鐵場其

爐凡四曰羅首坪曰小壆曰赤崖曰金峯每歲額共趁

辦鍋鐵二十四萬二千四十六觔解往饒州安仁縣轉發信州鉛山縣浸銅冶鑄後俱無額廢

宋乾道間城西銅山產銅後無額廢

稻之屬有大占有細占名目不一其先占城種春社日前

後浸種立夏前後時秧至秋而熟有一種最早熟者名

五十口占田家種以續食占之外有晚稻穀大於占田

且臘至冬乃熟秋熟種也冬熟種也冷齋夜話云溫關

西訪予於臨汝景德寺曰吾過此食白粳米欲過冬入

用者所未見碑予贈以詩有白粳留滯汝江濱之句其

一歲再收者先樹和而立夏前後樹粳而立秋前所謂

再熟之稻也縣多有之稻之黏者曰秣俗謂之糯有早

糯有晚糯名目亦不一並堪釀酒製醪麴間用之

稷之屬有黍有稷有稌黍稷同類俱謂之黃米而黍差大

北方以為恒食江南皆少種惟東鄉接壤安仁則間有

之其白者謂之梁河南絕無今丁祭雖有梁而實不備

莖大而高丈許者俗謂之薯黍多樹之圃畦之疆

麥之屬有大麥詩謂之來有小麥詩謂之牟二麥秋下種

冬出土春始秀至夏而熟凡歷四時故麥為五穀之貴

然地氣下濕麥不逮北方亦不為恒食又有蕎麥味甘

滑性寒別為一種

菽之屬有黃豆有春豆有黑豆有花豆有豌豆有赤豆有

紫豆諸豆惟黃豆刈禾後種諸田間春豆多取山地種

之

蔬之屬有薑有芋有藟有芥芨芨多菘有薑有蔥有蒜芨
瓜多瓠有薑冬韭多茄有白菜有蒿苣有芫荽有川芎
有蒼菜有蒟蒿有蒼蓬有菠菱有木耳有苦蕒有萊菔
有豆角有羊眼豆薑之種宜隰覆以棚齊孔琇守臨川
還朝獻乾薑二觔夏至後貨者謂之母薑霜降後貨者
謂之子薑張澂詩曰那知子薑汝水秀翠葉覆隴紅玉
芽芋名土芝俗謂之蹲鴟其大名芋魁翟方進傳飯雜
豆食羹芋魁野生者殺人諸有芋諸有紫諸亦名山藥
其壯體謂之豐本蔥有水晶蔥有木蔥五葷之一葷之葉
如蔥根圓大過之蒜有分瓣有獨頭者瓜有數種最早
熟者曰黃瓜然非月令之玉瓜也月令玉瓜生指今北
方四月野生田間離離而不可食者似黃瓜而色白曰
白瓜皮青而長尺餘餘然而角曰筍瓜青如筍瓜而子
黑多瓢曰絲瓜謂之紡線亦以其瓢類線云厚瓢而子
有紅黑其先西域種也曰西瓜比西瓜而長大曰東瓜
小而瓜實在地曰土瓜惟崇樂宜黃有之西辰出了家
洲者勝萊菔一名蘿藦出榆頭者大而味甘脆有赤白
二種赤者小於白而香韋一名茵俗謂之菘有五色山
氣蒸而生下有瓣鮮美可食無瓣者食之殺人中其毒
攪地漿飲之可解木耳間有之芫荽川芎蒿苣蒼菜蒟
蒿婆陵種者少獨蒜與芥作鹽齏脆美蒸過暴乾可久

詩所謂我有旨畜亦以御冬

菓之屬有梅有梨早熟曰青小梨晚熟曰黃土梨有栗有柿有桃有李有棗有橘唐志臨川郡貢朱橘有火橘有蜜橘有金橘多柑有橙有柚多菱有茨有蓮實有甘蔗有枇杷有梧桐子有銀杏有楊梅有櫻桃有石榴有葡萄有山查有梟茨有苦株有甜株有楮子有茆栗有金豆有金棗按弘治志云橘產於城西二十里間今城東南三十里靈谷山之陽嵩湖之濱比城西爲多

撫橙詩

宋曾鞏

家林香橙有兩樹根纏鐵劍凌坡坨鮮

明百數見秋實踞綴眾葉傾霜柯翠羽流蘇出天仗黃金鐵毬相蕩摩入苞豈數橘柚賤芒鼎始入鹽梅和江湖苦遭俗眼慢禁籞高覺凡木多誰能出口獻天子一
致大樹凌蒼波

藥之屬有黃精有菖蒲有何首烏多益母草多莎根一曰香附子俗稱傑工草有天南星有半夏有麥門冬多黃梔子有粉葛有菊花有茱萸有生地黃有商陸有桑白皮有骨碎補多紫蘇有薄荷有橘皮有枳殼多淡竹葉有土烏藥多車前子有蒼耳多穀精草有土茯苓多香薷有草烏有大薊有小薊有五倍子有威靈仙有五加皮有紫稍花有土常山有扁豆有澤蘭有葶麻有百合有枸杞有辰萋有紅花有金銀花有澤瀉博物志云大陽之草名曰黃精餌之可以長生菖蒲一名昌陽生石

上九節者佳與黃精皆爲仙藥何首烏一名夜交藤益
母草方書謂之充蔚子商陸易謂之莧陸車前子詩謂
之芣苢骨碎補附木生俗謂之胡孫薑桑根白皮出土
者殺人枸杞根爲地骨皮與甘菊花皆益人澤瀉苗可
菹味香脆產婁撫爲多人藥曰撫澤瀉

草之屬有茹有菰多莎有萍有芝有蘭多蓼多萱多蕨多
蒿有艾有萹稗有馬鞭有鴨舌有紫草多燭心草茹可
縮酒書謂之善茹詩謂之白茹唐開元十二年有上封
事者言撫州三春茹可用祭祀宋太平興國中祀泰山
赤下撫州採之菰出湖陂中人呼爲茭草春生笋謂之
菰菜秋結實謂之雕胡米佳于美曰秋菰生黑米莎之
根即香附斷騷云青莎雜樹繁草確靡晏元獻亦有庭
莎記萍水草爾雅謂之萍其大曰蘋小曰藻芝蘭間有
之萱一名鹿蔥花名宜男又名忘憂草蕨之根可粉凶
年人採以食艾可灸蒿亦艾之類萹稗生五穀中謂之
秀馬鞭鴨舌生水中紫草唯樂安產然亦不逮湘中者
燈心草出縣南營山婁撫取利甚多婁撫產尤勝用以
焚膏省而光耀

靈芝草詩

朱謝逸序云

江文彬載酒率諸人過于溪堂

木觀芝草以煌煌靈芝一年三秀爲韻探得煌字○天瑞
必應誠和氣可致祥我如拆襪線平生無寸長胡爲蓬
華于靈芝秀煌煌諸人喜事者載酒來溪堂環觀三嘆

息作詩助揄揚似聞天道遠吉凶命靡常在德雖爲瑞
無德恐爲殃願朋友戒脩德敢怠荒

木之類多松有柏其類有刺栝有卷柏羅漢柏有杉縣南
山中有高數丈者其皮可以代瓦多樟大者輪廣如山
喬木中之最漢郡名豫章以此多楓有桐有桑有栢有
槐有楨有柞多柳多烏桕北鄉尤多有櫛有椿有檉有
檉有櫟有榆有椴有椴櫚有黃楊冬青一名臘樹又名
萬年枝唐宋禁中多植之詩曰月華承露掌風動萬
年枝

竹之屬有貓頭有箭箴有篋管有慈竹有紫竹有斑竹有
白竹有黃竹有實竹有桃竹有淡竹有金竹有苦竹有
箭竹有觀音竹慈竹則樂侍郎所賦之篋管也

花之屬曰玉茗曰碧蓮曰辛荳曰躑躅曰山礬曰木樨曰
薔薇曰茉莉曰瑞香曰合歡曰月桂曰檉欒曰芍藥曰
並頭蓮曰葵曰菊曰芙蓉曰雞冠曰梔子曰海棠曰金
鳳曰水仙曰紫荊曰玉簪曰剪春羅曰夾竹桃曰夜落
金錢曰牡丹宋時郡東院產自山茶一株號玉茗郡守
崔仁冀有賦黃山谷庭堅謝竹友邁曾南豐鞏和之後
宋太守坤翁相繼有作謂古樹奇花天下止此一株在
楊州瓊花之上而今亡矣碧蓮亦宋時產於臨川縣尉
廳者最勝畫工目爲撫蓮或云長安鄉花姑山產此有
碧蓮池今亦無辛荳躑躅俱載荆公詩集中山礬高可

數尺春時開小白花香氣清甚王荆公以其自名之曰
瑒花黃山谷以其葉可染名之曰山礬後人駁之曰易
瑒山礬總未佳要須博物似張華因觀異代前賢帖知
是唐昌玉蕊花今觀王建題唐昌觀玉蕊詩云一樹瓏
璵玉刻成飄廊階地色輕輕女冠夜覓香來處唯見堦
前碎月明乃知唐昌唯一株故詩人極其形容今山山
有之誰爲賞音宋人寶燕石而海人等龍蝦事固有相
類者可發一咲木樨一名桂枝丹黃二種然丹者少合
歡朝開暮合又名含昏崔豹古今註云欲忘人之憂則
贈以丹棘丹棘一名忘憂欲蠲人之忿則贈以青裳青
裳一名合歡古大贈別又用芍藥以芍藥一名將離與
此正同瑞香有金邊粉口茉莉有單台雙台單台者名
素馨其香亦可入茗山茶含胎一年始開又有寶珠茶
梔子花重瓣名玉樓春芙蓉又名拒霜蓮有並頭千葉
九子並頭者勝竹葉而桃花名夾竹桃月桂每月一開
玉簪雞冠各以其象爲名若菊若牡丹譜之者至有數
千百種縣中顧特少云

玉茗亭記

宋家坤翁

郡齋有亭翌於西岡俯其下卽玉

茗花開花來於何方亭創於何年莫能對有從東偏得
古碑相示者則康定間郡守崔君仁龔所賦以其序考
之花昔在東院當時槩指爲白山茶仁龔肇名之曰玉
茗東院者東園也豈園之廢好事者移根而西歟郡人

曾南豐詩稱其純白得天堯方之瓊花玉蕊欲分其種
詩後題云瓊花與此花天下惟一本瓊花可接此花獨
出然猶槩曰山茶厥後裴君煜謂崔所名未稱嘗名之
曰玉僊人之知花者亦著題詠當時則未盡識仲春盛
開驗之薄有香氣貌迥蒼荀遠於山茶繁穠而幽野如
逍遙肥遯者山谷謂山樊梅是水僊兄弟予謂簷蔔山
茶一此花兄弟也一氣而分同得乎乾坤之清體質有
厚薄則係乎所賦以稗爲信仁龔爲守在康定廳壁所
記則雍熙也雍熙距今二百八十餘載康定距今亦二
百二十餘載先乎雍熙亦有此花又不知其幾年父老
云兒時已見之其家老人大父相傳者皆莫知所始蓋
數百年物然高不盈三丈枝葉森秀年耆而形不老如
得所養者花有異趣自南豐後郡中間有分柯接幹別
出雖培植之至葢甚卑花甚疎唐子西謂梅爲丈人行
不與桃李爭香風予謂此花亦丈人行也豈與諸年少
爭春風耶所得於初者有偏全日夜之積雨露之潤所
養又有間花何心哉造化何心哉亭項以醞齊廢上雨
旁風見潤糟粕花之敷榮則如故衆醉獨醒以茗爲名
此時猶宜旣加葺治亭視舊亦華好培擁相後先花亦
自若不改其常度蓋久於遯養能全其天也南豐天真
之云信矣或曰瓊花者與此花媲美彼處康莊有聞於
世此居遐遠人遂忘之若有所歉是不然瓊花因於采

撥根非其故此花退然自安至今無恙動者之樂靜者之壽所成孰多必有能權之者矣景定壬戌仲春月日家坤翁記

玉茗花賦

宋崔仁藎序云郡之東院有山茶一本衆云

白華觀前太守周申甫曾有是詠聲其奇未之甚信及夫開也宛若瓊華方知周公詠言不虛思而繼之仍目之爲玉茗花暇中述賦一篇以示好事。衆卉之中彼山茶子顛顛盡紅有挺生於下土獨宣素於春風點一樹之香酥佳人讓巧琢下苞之美玉真宰輪工是何嚮若不羣靜植旣成潔介之性豈假穠華之飾律初迴日

青女之姿木正玉時倚耀金方之色由是萌芽當

芳披向春馥馥之香心乍吐盈盈之粉面爭勻惟隣曉吹微和拆開香結祇怕晴陽過暖多作瓊津色澤旣殊聲光亦別疑被葉之疑露訝封條之密雪迷南華之蝶羽共作輕明昆北陸之蟾輪同成皎潔梅心羞而早落蓮花愧而晚開皓腕而誰先折得皤髯而我獨看來曲洽下臨鄭旦浣紗於越懶小山傍映巫娥行雨於前臺得非草木嘉祥乾坤異稟一葉皎潔白如練百樹紛然徒似錦素羽裁成於葩萼勢欲飄飄輕水綴滿枝柯寒生凜凜是密皆愛惟蜂最知纔發而使吟無足將殘而不醉何爲想搜訪之來時應從乳洞論栽培之深處合在瑤池美乎雅淡無借保持有自騰芳旣出於常品填

本好移於近地誰能將此樹奇花說向內園之使

白山茶賦

宋黃魯直

孔子曰歲寒然後知松柏之後凋

也麗紫妖紅爭春而取寵然後知白山茶之韻勝也此木產於臨川之崔嵬是爲麻源第三谷仙聖所廬金堂瓊樹故是蕊也稟金天之正氣非木菓之品亞迺得骨於崑閩菲芻靈於施夏造物之手執丹青而無所用析薪之斤雖躑躅而幸見救高潔皓白清脩閒暇裴回冰雪之晨偃蹇霜月之夜彼細腰之子孫與莊生而物化方培戶以思溫故無得而陵跨蓋將與日月爭光何苦與洛陽爭價惟是當時而見尊顯處於瑤室玉墀之上是以閉藏而無悶然於乾風枯柳之下江北則上餘

與江高則數鮑謝蓋不能刻畫常娥藩飾姑射諒無地以寄言故莫傳於膾炙况乎見素抱樸難乎鄙人故徐熙趙昌舐筆和鉛而不敢畫或謂山丹之皓質足以爭長而更羸知我如是不幾乎罵雖瓊花明后土之祠白蓮秀遠公之社皆聲名藉甚俗態不捨挾脂粉之氣而蘊蘭麝與君周旋其避三舍

玉茗花詩

宋裴煜序云

玉仙花崔仁冀目之爲玉茗花

臨川謂世無有二本子故命其美名而以詩振之○東

風吹春入江城此木得意生發榮乘時天與出其數落

落乃不爲紅英枝青葉綠花霜雪日氣薰炙尤清明深

園夜靜月相照飛蝶不宿宿鳥驚重關密鎖意木慳觀

者如堵纔稱情天桃穠李有缺望蘇徑自此無人行惜
哉挺秀已華國何爾蒙被塵俗名憑軒綺視急摹擬思
致入筆猶疑輕字之玉山信奇怪惟恐一息歸蓬瀛方
當守臣貢根木巨繼穩載還神京明廷封殖雨露足歌
頌盛美皆公卿豈宜臨川久畱滯缺舌譏議惡木并哦
詩力爲寫幽隱天耳雖遠應聞聲四方上下一而已奚
獨壓管揚州慶

前題 宋謝道

佳園昨夜變春容清曉驚開玉一叢素質

定期雲液白淺粧羞退鶴翎紅似聞金谷初無種欲盡
鴉溪恐未工底事餘花避二舍欲高元有使君風一騷
人浪說麻源谷本在風流刺史家直與瑤林共高微可

須梅影闌橫斜芳樽莫待紅粧賞幽艷長令烈士嗟憑
仗邊鸞折枝手應宜展障玉鴉又

前題 宋范成大

折得瑤華付與誰人間鉛粉弄粧遲直

須遠寄驂鸞客鬢脚飄飄可一枝

臨川太守寄惠玉茗 宋曾鞏

山茶純白是天真筠籠封

題色尚新素色未饒山谷雪清香先占五峯春瓊花散
漫情終蕩玉蘂蕭條跡更陳遠寄一枝隨驛使欲分芳
種恨無因

次曾鞏韻

宋家坤翁序云

以郡庠崇寧間石刻爲據

詩序視集中少異當是別本蓋當時花雖名玉茗人猶
指爲山茶之種類兩豐自注云初惟此花與揚州后土

廟瓊花天下一枝近年瓊花可接遂散漫而此花爲獨
出此詩此注亦知其非山茶矣不然何云天下一株坤
翁敬次韻於後○憶昔詩豪爲寫真至今光景尙如新
亭中客鬢幾人老山下靈根千歲春倏歎相逢皆白髮
春容莫逆少雷陳我來隨分熏知見似與夫君夙有綢
那侯家編脩約余飲玉茗堂余舊見南豐石湖詩意其
爲白山茶也今觀其古樹奇花非山茶也郡乘以爲天
下止有此一株他皆接本於此如揚之瓊花因成一絕
呈編脩宋史繼祖素艷絕如簪筍朶清芬渾是荔枝香
奇葩與立新名字華扁高標玉茗堂一爾雅箋名茗卽
茶白山茶賦已於誇若教見此避三舍絕品無同玉茗

花二

次韻家坤翁亭云

玉茗氣貌如古君子自南豐後少有

識者敬次嚴韻。逢人共責沈諸梁幸有南豐爲瓣香
禮樂誰從先進野眼前張也空堂堂一昔日同論七枕
茶玉川心渴語徒誇而今已得味外味聊復浮光開白
花二

一玉仙語

宋楊傑

金鼎雪霜九迴煉神仙一粒肌骨變肺

肝透徹無纖瑕寒花四出窈陽殿春風入侍紫皇宴吞
飲雲漿不知遍夜歸姑射醉陶陶曉上崑崙激壺箭寶
壺瑩滑勝筭多一嘯一呼掣飛電天公不許玩化權謫
落紅塵玉爲面何似人間重浮艷朱翠價高純素賤上

陽宮裏鎖秋風三十六年未回春
聞道魯公愛清直
稟松筠霜後見願來祠下託孤根
肯共天桃爭采綯
今遺恨誰與知花上流鶯時一嘯

題辛夷躑躅花詩

宋王安石

綠髮溪山笑語中豈知翻

手兩成翁辛夷屋角搏霜雪
躑躅岡頭挽醉紅
想見舊

山茅徑在追隨今日板輿空
渭陽車馬嗟何及
勞碌方

當與子同

集云寄吳成之

南營菊花花號御衣黃

宋魯季羗

今年氣候溫水落天

未霜誰言九月菊
反在十月黃
我攜二三子信步聊徜徉

倂忽途佳絕處風煙可迷藏
愛此一川花秀色爭熒煌

就中有絕品宛如柘袍光
向人極醞藉風韻不可忘
泮

御爲佇立歸路半夕陽
恨無杖頭錢不能持一觴
明朝

期再來爛醉金英傍

音之屬曰牛曰馬曰騾曰驢曰豕曰犬曰雞曰猫曰鵝曰

鴨

禽之屬有鵠有鷹有隼有雉有鷓有鴉有鴿多鴉多鳩多

雀有倉庚有鶻鴒有鴉鳩有鴉鳩有鴉鴉有鴉鴉有杜鵑多鴉

絲有畫眉有百舌有布穀有翡翠有鸚鵡有鸚鵡有鸚鵡

鷓有啄木多練雀有竹鷓有姑惡有錦鷄有白隴鷓鳴

則人喜故名喜鵲鷓鷓鳥古人田獵用之隼尤剽疾俗

謂之鷓雉雄者具五色其曰野鷓沿漢呂后諱也鷓之

大類鷓而少丹頂鷓與鷓皆可畜鷓善鬪至以比鬪鷓

鴉有寒鴉慈鴉烏鴉鳩知陰晴天將陰則逐其婦晴則呼之故人以鳩聲卜雨雀小而多與燕皆棲人屋梁倉庚一名鶯又謂之黃鸝又謂之黃栗畱相與和鳴鵲鵲行插飛鳴有急難之義唯鵲摯而有別故詩以倉庚喻友鵲鵲喻兄弟唯鳩喻夫婦鵲鳩之聲鉤輻格磔俗謂之山鷓杜鵑卽杜宇又名子規本蜀鳥杜子美所感而拜者鶯絲純白頂上有絲髭然畫眉小鳥兒童所珍籠而置之百舌卽反舌月令五月反舌無聲布穀田間催耕之鳥翡翠鷓鴣鷓鴣皆善取魚而鷓鴣可馴今魚家往往畜之鷓鴣俗謂之八哥鷓鴣不踰濟故春秋書鷓鴣來巢魯舊無鷓鴣也啄木長喙取蠹能畫符以出木楔猶鷓鴣步禁蛇禽鳥之智有人不及者練雀羣飛竹鷄呼泥滑滑與姑惡皆聒人鴉惡鳥一名鴉鷓賈誼謂之鵲夜八人家鳴則不祥周禮砮簋氏掌覆夭鳥之巢庭氏又以救日之弓救月之矢射之則不特今人惡之矣

獸之屬有虎有豹多聲有鹿有兔有鹿有山羊有豪豬多狐多獾有猴有竹鬮有牛尾狸虎猛獸凡夜行以一目眯一目放光獵人猴而射之其光應弦墮地得之者如白石有骨如乙在兩脇傍帶之令人有威又每行能以爪畫地觀奇偶以卜今人效之者亦謂之虎卜豹如虎而趨捷過之有佐豹赤豹金錢豹豹性廉有所程度以

鮎而不生濁水洿泥中鱖似鮎而稍大俗謂之黃鱖若
鰕則纖纖細矣本草云鰕無鬚不可食

介之屬曰龜曰鼈曰螺曰蟻曰鯨鯢龜背甲如畫卦文能
伏氣藥引有老人用龜楮牀老其死而龜活如故滿千
年則遊於蓮葉之上故龜爲四靈之一鼈如龜而背無
畫文俗謂之團魚又謂之木鷄性暖益人其三足者爲
能不可食螺生沼中爲青螺生田中爲田螺蟻一名蚌
然無孕珠者饒鯉目中登岸開鱗甲如死狀蟻聞其羶
羣趨之蟻滿便閉其鱗甲而百水蟻皆浮出因接而食
之俗謂之穿山甲入藥用

蟲之屬有蠶有蛾有蠨有蟬多扁蝠多蚶有蛇有蜈蚣有
蜥蜴多蝨有螺麻多蠹有蟻除有蜘蛛有螢有蠅螂有
斯螽莎雞蟋蟀多蝶多蟬有伊威有蠓蚶多蜘蛛有斑
貓有木蛭有尺蠖有蠨蠸有百足蟲蠶之功衣被天下
而郡中養蠶者少蛾則蚶之所化夜飛善撲燈火謂之
燈蛾蝸有二角觸之卽縮蟬卽壁魚生衣服及書籍中
又謂之蠹編蝸其糞名夜明砂蚶居土中善吟江東謂
之歌女蛇與蜈蚣皆能傷人而蜈蚣顧能殺蛇蜈蚣者
卽且也逐蛇蛇輒張口蜈蚣入則吮其髓故莊子曰卽
且甘帶蜥蜴蜈蚣守宮一物而三名東方朔曰以爲龍
又無角以爲蛇又無足跂跂肌肌善緣壁若非守宮卽
蜥蜴蜂善螫其毒任尾惟蚤蠹能煉蜜人以木櫃棲之

果臝名蒲盧又名蠃螬蜂之細腰者善入筠管中負桑
蟲祝之封以泥七日而化爲己子蝸一名蝦蟆立夏後
鳴聲不絕故周禮蠃氏焚牡鞠以其風被之則水蟲無
聲其蝦蟆身有茸黏腹大行遲者謂之蠃螬其初生爲
蝌蚪蛻螂能轉丸螢夜出有光詩謂之熠耀斯螽俗呼
蚱蜢能以股相切作聲莎鷄蟋蟀皆斯螽所變蜻蛉六
足四翅與蟬皆吸風飲露無求於世仕者之冠翼象之
有勸廉之義蝶翅有粉觸之則落莊子曰鳥足之根爲
蟻蟻其葉爲蝴蝶蚱蜢蝻蝻空室有之蜘蛛結網如罾
觸其網而後取有誅不義之象故曰蜘蛛斑貓生豆花
叢中水蠶俗謂之馬琪楚王吞之而宿疾皆愈與救
埋蛇未郊渡蟻事正相類尺蠖屈以求信蠨螋一名醯
鷄百足蟲所謂至死不僵者其蟲大於尺蠖
貨之屬有紬有苧布有水綿布有葛布有江清紙有火紙
有牛舌紙有石炭紬則閉民市綿抽絲以織六縣間有
之苧布緝苧麻爲之有扁生有圓線紙用木皮名穀紙
可造衾帳大台徐淵子詩好是臨川紙誰敲昨夜冰造
成無縫被賣與有家僧今無矣火紙以新竹稻草漚而
爲之出百一都頗饒

已上物產

送撫州錢郎中宋曾鞏名節元是足風流得郡東南地
更幽翠幕管絃三市晚畫堂烟雨五峯秋黃柑巧綴星

垂櫺香稻勻翻雪滿甌。應與謝公資健筆。邦人才薄詎能酬。

按南豐此詩。贈炙人口。附載于此。可作風土通咏矣。

臨川縣志卷之十七

營建志一 城池

臨川縣城附府唐寶應間州刺史王圓遷建至中和末刺史危全諷興築址廣三尋高兩尋長十五里二十六步

撫州羅城記

唐張保和

夫開物成務哲人命世於通規

保大定功諸侯因時而善治醇素以降智慮萌生物乖

結繩之約城有重門之戒邦崇雉堞境藉金湯物理固

然其來尚矣且如秉四方之用行五等之道酌損益於

未兆裁取捨於永存總括冲機富有大業者則羅城版

築久逸暫勞千載一時義斯見矣請言其實國家自正

觀甫平之初文軌均化于羽率服武事鮮備郊壘夷沒

間者天寶建中之亂或爨起兩河或毒流三輔江漢之外攙搶殆微故支郡屬邑封閉而已洎先帝幼冲之始數丁九六物極屯難長鯨吞噬以橫流大瀛元黃而意氣飢饉仍薦兵戈重復暴骸遍野游魂慘天人煙斷絕

羅開

莽爲邱墟螫毒馮夷松楸斬爲千盾天涯地角灑

然喪亂之事邱甸要荒紛如征伐之苦臨川古爲澳漢

闕

曰名區翳野農桑俯津闔閩北接江湖之脉賈貨駢

肩南衝嶺嶠之支豪華接袂旣而封豕豮發飢鷲攫碎

相視爲盜割據而逞連延數歲羅列

銜二

絲論

銜品節

旣慢汝南危公挺英逸之資運匡濟之畧倡起忠義志

惟掃平初黃天感嘯聚歡踴衆踰數萬兵琴殄熾勢摩

中原刺

銜二

先爲齊逐始僭劇號大署僞屬其

餘孽堡妖墨互相支屬犬牙魚貫時附繩約莫不競好

兇吻爭踐

銜二

王師出爭比比而北總戎

銜二

錢

攘公爰初誓衆靡盈數隊兄弟親愛翼以從焉勵力一

致所向神速誠明激天故恢廊

銜二

由是兇邪清辟次

第凜雪不五六稔諸惡畢拔羶慕送欵飲清歸輒不可

勝旣公擒從之外按舉無必推誠以同務剔剗蠹舊創

成

指揮而化二道馴致勤王之事撈疲爾挽養瘡痍

誘還逋逃

銜

復耕種凡據鞍甲蒙矢石引少擊衆環攻

塵戰不繹銳

銜

暖席涉乎七載破崑洞擒曾豪偃戈

析踰二十算四邑以之康定鄰疆自可慄伏

銜五

中和

五年三月下明詔假符竹褒美成節慰安井閭於戲物
不中石天樹司牧亦明矣當拱天闕之際孰知其故六

字之詳所以非其時無以彰其才微其用不能靜其亂

偉夫忘身循義大節橫秋氣凌丹霄精貫白日其中正

之行缺五義士子來推缺剛悍鏗絕虺蜴其武烈也寬

以得眾靜而有法道德齊禮敦本今古其文昭也舉善

遏惡先教後令去不急之務流洪彰之名其政術也四

首立而舉美附之條張而百姓服鼎新綱紀草創驛署

于時乘輿暴露海內沸闕兵不過地靡有定公缺檢制

之中收今日始未遑接棟惟謹燃鋒彼皆炫惑於狼

心我豈因循於雉堞所謂大君憂寄缺三在守土赤子

依投豈忘城壁苟無捍閉之所有如緩急之事外乃備

預五材經營百堵目運心匠規令矩定金甌取勝鐵甕

事奇荷鍾蜂攢以缺舉杵雷興而膠固無執撲之勞非

奪農之志崇崇帶逸他山之秀色爭來屹屹雲平列岫

之祥光俯協歲在丁未律中南呂始事冬十一月訖去

奢也周十五里高二仞酌中也徹八門通馳道便事也

古人有言大夫出疆以利國家爲己任賢者處世能安

社稷爲盛業矧夫九圍多難之日缺失馭之年一呼而

豪缺三再而領綱振不驕矜以任欲能樽節以茂績衆

心成城一德化俗其勤也杜當陽之武庫叔廢之嘉謠
漢宣帝每云所欲共理天下者惟守宰而已今天步未

康去疾有一於是東顧之勞可罷有十於是太平之作
可待異時登天朝翼景命舒之於五侯九伯表之於煙
閣麟臺濟時策勛在我羿殺豈惟撫城獨稱不朽豈惟
撫民獨居多祐者哉保和謬當殊遇缺詳具美奉命紀
錄顧慚不文大順元年並開文

南唐昇元間太守周弘祚脩之闢之建十三門門各有樓
加長五里濠深及丈者三廣則六倍有奇

大唐撫州新脩羅城記管驛巡官掌表奏銀青光祿大
夫檢校左散騎常侍御史大夫上柱國黃德懋撰天分
二曜明乎晝夜之規地裂九州定乃高卑之位厥貢爰
推於任土開疆旋底於來庭以下並闕文昇元四年太
歲庚子十二月七日立中勇將軍金紫光祿大夫檢校
太傅持節撫州諸軍事守撫州刺史上柱國汝南縣開
國子食邑五百戶周弘祚

按此記殘闕本無關係乃永樂大典撫州志錄之備
一代脩建之跡焉

建炎初太守王仲山補葺之紹興中張公混重脩僅存九
門東朝京舊名通遠俗稱大東門宣文昌橋東南清風俗
稱鹽步門乃水門郢鹽之地爲鹽步嶺王荆公舊居在焉
公詩有鹽步庭闈眼欲穿之句又東南鳳鳴俗稱下市門
壕有橋又東南金谿俗稱上市門壕有橋南順化俗曰南
門壕有橋越橋爲甜蘆城以郡山來脈所經壕不容深故

築此以護城門西南安豐俗稱赤南門壕有橋西迎恩俗稱西門壕有橋北進賢俗稱北門壕有橋東北安仁俗稱東津門直東津已上九門各有樓絡定庚寅汀邵寇相挺犯境太守黃公炳再加浚築城之高廣如全諷弘祚時濠之深濶則視昔不啻數倍蓋自中和以來所未有景定癸亥州守家坤翁補葺城垣與門之壞者咸淳庚午州守繆元德重修

重倚州城記

宋家坤翁

郡在東漢爲縣號臨汝六朝訖

騎唐爲郡號臨川者謂所治在臨汝中相傳赤岡乃其故址郡乘云唐寶應初刺史王圓從西郵莫得其處至中和未危全諷徙今治非也參稽全諷梓刻及兩碑當

時州城乃因圓之舊加興築無所徙惟子城舊在西墜子城自中和距今亦四百二十載昔既云徙今猶在西者蓋其方則不易特去而棄高就正爾以山川形氣蔽之州城左右控引臨汝前後則納其源鎮其匯赤岡西逼臨水氣卑陋今城居高明得地勢然東濱汝水故子城州宅居西欲畧當臨汝中阻二川而建州就中氣而建治尙卜澗澗宅土中之意圓當徙時城耶否耶則不可考自全諷興築於中和後五十餘載南唐周弘祚嘗脩濬於晉天福先後述作賈捨揆使之自聖人有作天下一家撫深居內地城築宜弛曠二百載是爲建興時際多虞王君仲山嘗因其陋加補綴又九十載至紹定

間徇人弗率黃君炳始悉力創治建其郭濬其池益宏肆深廣殆中和以來所未有自是三十餘載又廢不治摧頽荒翳多所堙闕諸門率歛壞有志之士撫今昔念興廢孰不爲之慨歎蓋自唐迄今五百年間守地者不知其幾人其能興脩者纔四人而已大率敵國外患之來則城興宴安逸豫之久則城廢俛仰一轍不謀同情易之泰九三上六其爻相應故理相通城復於隍之象雖著於上六道窮之後無平不敗之兆實基於九三道通之際信乎廢興成設皆非一朝一夕之故有國有家者先其未隍遂防其破則城可以不隳乎可以長保豈此一城通天下皆然磨礪者不見其損積累者不見其益也况斯城久於否屬當凋瘵無厚力以鳩僝工泰而通之必於其漸乃時計其處度吾所能而葺治之城之堙闕者四畚築而加以甃門之欹壞者十二繕治而扶其顛日而半寸尺而籌丈庶幾積少高大城有可興之期然念人情終始勤惰不能一官府更迭去來不可常書用識之以勿忘於心亦以望後人非徒記其事求自衛將以致吾城於堅高悠久也覽者裁之景定癸亥季春晉山家坤翁記

撫州重脩城記

程紹開

上卽位之七年思昔藝祖紫

雲一善瞻焉牧養言如天地爰灑宸翰頒於邦國牧民者曰民吾同胞咨爾保息紹開嘗拜手稽首肅觀聖訓

若稽周典保息兩字乃牧民大綱領息以蕃其生保以衛其生蕃息之不保衛之則於厚元氣却外邪之術猶未盡也奎晝昭垂兼總並振豈徒燦日星轟雷霆以震耀牧民者之耳目而已哉一念在民對越上帝剖符分竹誰不惕厲紹聞見而知之則莫若撫之郡侯焉侯之牧斯民也始至之日斧剪盤錯剗剔弊蠹曾不踰時而上供之貢戶部之輸諸道總司之綱解宰不折辱於邑吏無叫囂於庭率以時辦已可謂能人所難矣於是不切之費節之無名之供蠲之例之可私者悉公之寧瘠已肥人不損下益上用是未嘗以催科笞百姓而田里無愁嘆聲人知侯之息民若此豈知侯之保民計慮尤

深長乎州城舊迹表十五里二十六步後拓五里廣二

尋高兩尋經始於唐寶應王圓重脩於唐中和危全諷

追我宋天下一家久安長治文恬武熙撫深居內地知

恤者鮮矣紹定庚寅州翰寇竊發相延犯境黃公炳把

麾兼節事至而爲之備實藉朝廷撥助祠牒百本始克

有成距今庚午甫四十載而城寢非其舊侯乃徹桑土

於未雨量功命分部卒給儼糧均界限葺糞壤雍櫛翳

絕踰越之蹊塞窺伺之罅葺頽圯之闕至於城門重屋

支傾飭陋悉用其力輪奐聳飛雉堞彌望隱然有不可

犯之勢問其費則踰萬緡二稅卒無侵也問其役則纔

期月三市卒無勞也問其材則甄以片計者六十萬有

奇矣以斗計者三萬有奇車運舟載度若力酬若傭一
毫卒無科擾也夫以秦之九三已軫無平不陂之慮介
侯不以息民於目前爲善而以保民於日後爲務謙樓
前建二坊扁曰介福曰體仁體九重之仁以介千里之
福侯之心白矣猶念城所以固吾圉也使外地餽餉有
時乏絕則內地城郭何恃不恐和糴爲邊儲設撫數萬
先是未有困倉往往寄教於淨居寺風雨漂漬雀鼠穿
穴加濕蒸多腐侯乃卽爽塏靡錢二千餘貫建屋一百
餘楹而出納有所自時厥後轉粟以助調度士飽而歌
勇氣百倍則不金而城中國且泰山四維矣撫尚何虞
乎或曰以子之言侯固大可書矣果彈於此而已乎曰

未也一錢擇受百廢具興續長橋以通康莊之履飾行
衛以崇諸侯之館脩青雲觀睨諸勝槩暇日以同賓屬
之登覽此皆可書惟其大者先立是以履於斯館於斯
登覽於斯者莫不頌侯之賢焉簡上心移鎮廬陵迫行
以歲適儉輒捐已俸及所積歲時郡彙委信義士司平
糴以便細民且又惻然於月令掩骼埋胔之語講求而
舉行之費雖厚不靳澤滲泉壤猶如是則其敢恭生
之念愈可見矣體仁者常存介福者益久欽承聖天子
休命以其保息之職分者雖去猶不忘也侯姓繆名元
德永嘉人也紹開時爲文學榘親侯之尊主庇民甚謹
請刻石以記焉咸淳辛未正月朔旦門生從事郎宣差

撫州州學教授兼臨汝書堂山長上饒程紹開記奉議
郎知瑞州軍州兼管內勸農營田事鄱陽張洪書并題
蓋

元塞清風門僅存八門明初鄧愈克撫以孫榮鎮之後榮
失守城市爲虛洪武中平章吳宏因兵火後民居蕩析始
削西南城約六里僅存九里三十步今自青雲峯迤西至
於後湖田平岡一帶皆舊城遺址也惟存四門東曰文昌
西曰武安南曰順化北曰進賢皆重樓疊拱高廣雄壯各
門外又爲外城迴護城門上亦有樓西南北有吊橋夜則
懸朝則下唯東門不置城下有路可馳馬臨壕環繞皆種
樹稠密城週一千七百九十八丈四尺梁頭二千九百七
十四樓舖亭臺一百四十五城高約二丈五尺明季城堞
頽圯本朝康熙二年知府劉玉瓚重修增築馬道砌堞
口十之三十九年雨水暴漲衝圯南隅城牆二十餘丈知
縣胡亦堂獨力捐脩

按舊胡志云由來設險必重金湯然始勞相度之功
繼煩縮版之載及夫復隍可慮暴客多虞則繕守之
圖尤亟亟焉臨城屢經遷徙而千百年來紀脩城之
績者僅載刺史數人無及縣令者蓋以城屬附郡無
庸自爲功也獨余受事值甲寅耿寇摧殘之後兼爲
洪濤衝圯雖有六邑公脩舊例鐫字之碑石可稽而
將伯之呼求莫應且城內民廬半爲茂草何忍尙有

徵派不得已而拮据捐貲幸告竣事矣雖然百堵之興難求獨力登陣之禦豈恃一夫恐後之爲扞圍計者尚不能無蒿目於斯耳今城垣雖遞加脩葺然支傾補缺物力告乏土石疎泐日久更甚桑土綱繆之計誠不可不豫焉

乾隆五年知府劉永錫知縣李廷友合六縣紳士捐貲復開清風門建城樓

清風門放

本朝李紱

撫州城隋初建於赤岡近西津唐

寶應元年刺史王公圓遷今治至危公全諷脩築爲門

十有三宋時止存九門永樂大典載景定舊志列數門

名東朝阜東南曰清風又東南曰鳳鳴又東南曰金谿

南曰順化西曰豐安西曰迎恩北曰進賢東北曰安

仁至今府志凡八脩而景定州城圖無不列諸首卷者

思復舊制也永樂志稱郡城九門北門東津門大東門

鹽步門下市門上市門南門赤南門西門門數同而名

異者景定所稱爲門之本名而永樂志從俗稱也北門

卽進賢門今俗亦呼爲北門東津卽安仁門以其直東

津渡故呼爲東津大東門卽朝京門舊名通遠明初改

名文昌而俗呼惟曰東門鹽步門卽清風門舊爲郤鹽

之地故俗以鹽步呼之而門內小峯亦曰鹽步嶺下市

門卽鳳鳴門在七郎廟前今其地猶稱鳳鳴渡上市門

卽金谿門在青雲峯前蓋舊城包青雲迨迨二峯而鳳

鳴金谿二門下臨汝水估舟所集故俗以市呼之南門
卽順化門今俗呼亦曰南門赤南門卽豐安門在後湖
田外以其與舊治赤岡相望故俗呼爲赤南西門卽迎
恩門明初改名武安今仍之而俗呼亦止曰西門也又
稱元塞鹽步門止存八門當時識者憂之以爲陰陽二
宅得水者富而東南異水來朝則富而且貴蓋東南爲
生育之鄉豐亨之象異而耳目聰明尤主文事斯門之
塞擬之財賦人文行當衰落斯言其殆然耶嘗試考之
宋臨川志云晉宋以來地雖廣而戶口尙單唐天寶最
盛不過三萬戶宋割南城南豐隸建昌地視昔爲狹然
祥符戶口已加於唐熙寧元豐又數倍中興以來滋殖

爲異而歲不同是孰使之然哉景定志主戶十七萬二
千三十坊郭戶一萬七千五百四十七鄉村戶十五萬三
千四百九十又客戶七萬六千二百九十鄉村戶六萬
三千二百四十三坊郭戶一萬三千四十八鄉村今未
暇稽就坊郭論當日盈三萬戶今何如耶曾子固詩謂
三市管絃至晚猶盛自清風門塞元明之交陳友諒之
亂上下三市奔爲邱墟永樂初遂削去城南數里定爲
四門青雲逍遙二峯及學宮隄廟棄隔郊野謂清風門
塞而財賦衰落豈不信乎至於人文宋三百年撫州進
士六百二十五人元塞清風門八十九年之間撫州進
士僅十二人多寡殊絕如此科名猶小焉者有宋人文

之盛若樂子正之學問陸文安之道德並鍾開氣然猶
散在外邑至於晏元獻王荆國會文肅三相國故居並
在清風門內荆國文公坊在鹽步嶺前曾氏與魯坊在
鹽步嶺迤西元獻舊學坊在文公與魯二坊之間皆得
巽水盛氣迄今未有能繼三相者而荆公子固之文章
尤爲千古所絕無僅有耳目聰明孰大於是塞清風門
豈非壅蔽其耳目耶元明以來撫之人文若草廬道閤
介庵明水若士大士諸先生亦皆偉人然以視晏王魯
陸不無多讓且異虞不登制科章湯二陳未躋通顯皆
未能盡其耳目聰明之用則謂清風門塞而人文衰落
較財賦尤有明驗矣雖然當時之言專爲郡人言之耳

郡城之形勢固關係一郡而處郡城者尤爲親切郡人
固有居郡城者而守土之官師則未有不居郡城者考
自寶應遷城以後清風門未塞以前唐宋兩朝四百餘
年名宦之蒞茲土者志闕有間不能盡知姑就志所載
觀之若杜公佑張公鎰顏公真卿王公縉袁公滋張公
弘靖李公回姜公公輔韓公臯馮公延巳李公建勳陳
公執中汪公藻程公珣錢公象祖蔣公堂京公鐘等皆
位至宰相鍾公傳李公景達皆封王爵佗若戴公叔倫
穆公膺寶公常令狐公通錢公珣邵公潤甫曾公紆孫
公逢吉張公孝祥楊公方高公商老徐公儼夫黃公震
汪公喬年柴公中行范公應鈴錢公芾羅公必元等並

名在史冊。內列卿貳。外膺節鉞。何其盛耶。自清風門塞。元明以來。垂五百年。濫茲土者。姓名咸在。而通顯者。不概見。則茲門之啟閉。豈獨郡人視爲盛衰。其繫於守土官師者。尤判然有隆替之分。志書具在。可考而知也。舊守燕山劉公脩郡志。李石臺先生序之。謂南湖湮而其占爲恒火。清風門塞而財賦人文。當日落今不幸。而其言驗。其感慨誠深。然不知何以僅託之空言也。南湖之湮。不可驟復。若清風門之闢。白金數百兩。可以足用。今國家隆盛。賢侯在位。關門之典。行有日矣。余憂廢之餘。暫寓郡城。別業間登清風門。故址臨眺。審視思舊。城之雄闊。扁扁豐麗。峴臺記所稱。當日富庶之象。寂然漠然。徒見風帆沙鳥。然斯門故蹟。宛然城垣。至此獨凹入。數丈南門右。胥峴臺左。出若張翼。以受溪山之勝。而汝水蜿蜒。曲折數十里。來朝來宗。青雲峯下。趨常家山。鄧落平坡。橫抱城前。大川無衝射之嫌。形勢天然。昔人所謂良非誣也。遂叙述。端末俾有心之賢。同志於復闢者。得以攷焉。乾隆四年元夕。郡人李紱撰。

清風門舊基攷前人清風門擬於女牆缺處重開。確合

舊門基址。並非億度。或謂應再就西偏。似乎未合。蓋清

風門在鹽埠嶺前。故一名鹽埠門。與荆公故居相對。荆

公憶家詩有鹽埠庭闌眼欲穿之句。其可據者一也。就

西則去鹽埠嶺太遠矣。凡開城門之處。門外必有寬平

之地中爲大街傍爲民居市廛一定之理也今女牆缺處城外平地獨無濠溝其地廣二十餘丈必係當時街道及民居市廛故基故今尙爲平地此地之外東西兩邊則皆種荷之濠此其可據者二也就西則與濠溝相對矣清風門原係水門故有水溝在旱門之左今水溝現在此其可據者三也就西則去水溝太遠矣城門往前直向東南入市下河原有大街今其路尙在正與女牆缺處相對特因城門久廢居民侵占故變大路爲小路耳其市在宋時最爲繁富名曰河頭市今河頭市地名居人皆知之此其可據者四也若就西則與此路不相對矣清風門闢而全府官民富貴正以門迎巽水居百里江山之勝故也今於女牆缺處開門正見岿江朝水數十里委宛入懷此其可據者五也若就西則不見朝水止見橫水矣橫水則東門已足何必復開東南之門哉據愚所者可據者如此或就西偏更有確據願明以教我

府治舊有子城周一里二百二十五步唐危全諷建西湊羅城東爲承春門南爲通教門北爲望雲門郡治踞羊角山家稍倚西偏儀門前左爲譙樓南爲州門通道東出與承春相直三門鼎峙譙樓之外闌闌輻輳自昔謂之三市曾子固詩所謂翠幙管絃三市晚畫堂煙雨五峯秋是也考景定志當子城尙無恙不知何年頽廢半爲民居後止

沿羊角四周緣以土垣規制損前十之七矣其三門後改
爲閣東曰承春卽今之春臺南曰觀風卽今之武當閣北
曰飛雲西蓋一閣曰橫秋今廢其譙樓燬於天啟辛酉

新移州子城記

唐張保和

八卦成列象在其中聖人則

之剛柔險易動靜悠促亦皆備矣是則金木水火輪移
消長乾坤震巽羅列高下揆情僞至於玄近稽微闡極
於大成蓋有有無不有矣物物無不物矣至如舉趨百
制邇應遠著有天光宅焉宅天下者喻雒之強歟宅邦
邑者岡阜之勝歟宅閭巷者隆坦之宜歟自宅居至於
大壯猶椎輪形於玉輅其必如此按撫之郡庭初際亥

年代寶應中太守王公圖以其勢卑於縣里擬

習民而沮長因徙於西陲自爾亦匪厥中觀夫州壯而
非剛虛右而擁左總詳其狀則二千石列郡比比有不
大遷者是其事矣大中中刺史蔡公京審乎三地思事
再革以勞費滋廣意行力止乾符中巨盜起梁宋兵火
照天下干戈日用屠菹鋒起畿甸失禦郡邑曠守斯時
也豺狼塞路瓦礫遮轍此之官舍棄如焚如荆蒿蒙春
井野一色洎汝南危公奮長劍倡義旅併剪羣惡克蒞
百城草創碁布紉墮續斷詔下之日默究形勝且曰幼
小嘗聞前任遺議謂蔡公意也今也運會萃吾指陳大
幾元亨中正會要方乘宜拔乎崇高麾震揖與朝辛附
癸在控於躍伏苟羞毫髮其致懸殊爾乃決意卜築應

手經始舍去舊地推移壹區而勝秀逸得嚴整鬱備納
溪山複疊之勢吐原野蟠連之色有若龍騫鳳舉花攢
綺錯於是左通臺門南正戟扉三扇三廳大寢小寢局
著狴狴環迴星列峩東軒以資眺覽峙西閣而備宴見
奢儉折中材力攸允廣陌繩分列肆鱗矚繚崇墉備固
護之態襟平陸延爽境之景然後政化以安之禮法以
康之仁和以富之遠者來而近者休險設革而幹蠱用
星霜既周副并以繁年穀登穰上馬精研連帥倚爲右
屏天子寵爲良牧百姓歌之聲聞九重璽書慰勉增餼
褒命其猶珠賞公少秉奇志年甫壯室遭時建名起家
而萬石非偉許國而一心彌厲而後錄乃今譽積望洽

豐德懿範繼以揮綽雖山河之重巖廊之峻恐無自遜
也君子曰地載萬物賢者應之蓋錄其用而享其祚忤
其道而戾其契匪私於富貴勿抑於隆盛也若成王之
定鼎邾文之遷繹奉春之建都踵其數而舉其徵者矣
保和前紀羅城內慙拙文暇日復聆當世之譚曰事成
乎身及乎人力之次也顧惟是續孟表悠久載讓弗克
唯而直書巨唐龍集庚戌年在大順律中前呂戊寅張
保和記

勸脩武當關

本朝陳蒲

撫郡治子城南關曰觀風在昔

曰通教門唐刺史危公上諫規而築之者高閣巍然與
北東鼎立迄今幾千年不能改雖後賢之增脩其故抑

豈非前人之經始實有百世之畧者歟今 天子神武
用章滅扈踐奄而後振旅敷文者又多歷年所甲子壽
王正月奉天張公以勛階來刺是郡宣惠勅法惟簡惟
靜上下咸和流散始集於是入國者無復有長楚苞積
之嘆矣期年則萬民是若百廢具興金城瑣宮之役不
貸不煩厥成以叙若燕寢若廚傳若遊觀之所則言弗
及焉此則守邦者務先後緩急之次第惟公能之余時
以貢賦奔命馳無能左右晨夕會當奉表入朝趨裝須
矣而是閤之主者持冊請脩葺且言官帑廉儉乞一言
以喻部內之知所務者是舉也固宜後於瑣宮然昔人
則與金城同其制矣今茲興廢補敝伊誰之責予可無
以勸相之乎使五峯三市之中復見曩時絃管之盛所
稱作天牧者之心矣若夫神靈所綏能爲民禦灾捍患
者如前守予晉江蔡公記石之云雨澤降而年穀熟豈
必驗諸其後哉郡人聞斯言也其可以興矣

武當閣勸脩

本朝黃石麟

郡治于城其北南東爲三閣

南曰通教門後乃睥其上曰觀風今象教祀其帝立帝
蓋離者坎所制昔之人非無以而云也閣歲久日敝甲
子春和張府公始新其額增其欄楯集四郊之民其前
日中爲市觀其熙攘爰歌樂國不賦蕪城矣守僧某憂
其穿漏朽蠹募榷瓦甌甌以葺之計費僅十緡噫嘻今
之出塗炭而卽在席者豈愜此爻爻者哉予惟昔之人

建業後之人宜欲其不敝其計慮隱深未有能言之者若夫規制崇博民物殷阜尙能喪度而愾慕之守者且不欲其敝也余可以無言乎

寓飛雲閣之一

本朝黃石麟

崇邱絕倚附高閣巋然立

臥起白雲中軒楹蜚雨汁翔心隱太清百慮何由入昂首視青天猶不可及

按景定府志論遷城本末云祥符圖經故郡城在城北一里二十步周回一里一百七十步刺史王圓廢此城卽今之西津赤岡若圓所遷西陲之城莫詳所在郡西南三十里述陂有故基又旁近數里有上城下城未知其是乎鄒南堂遺文此城唐寶應間自赤

岡遷於今郡治之西陲黃巢之變爲柳彥璋所焚蕩危全諷乃遷之今治今治未建之前如今州前通教望雲諸門低處皆是田而高處又多榆木又有震巽丙風落田中數語之識夫郡在前漢爲南城縣治南城後漢析爲臨汝縣治臨汝吳及晉宋爲臨川郡亦治臨汝齊徙治南城還治臨汝未必始於唐當在梁陳隋間及初改爲撫州時耳州城之沿革舊志所云皆曰舊治西津赤岡寶應中太守王圓遷於西陲中和五年危全諷又遷於今治然赤岡至今猶有遺跡西陲則無跡之可尋莫知其處祥符間脩圖經者嘗以全諷所記爲疑謂西津赤岡在城西迤水故曰低

臨水際卽西陲也然則赤岡卽西陲則圓未遷以潯
古城又安在於是復有述破之說曰此地亦有城之
遺跡以爲是古州城也此說無所證殆齊東之語當
先以郡縣名證之漢名縣曰臨汝者以其地臨汝二
水合流則縣必在二水之間不居二水之外必赤岡
矣吳名郡曰臨川者正以古城在西津赤岡實當臨
汝水之滙故也次當以全諷重新州宅梓刻所自記
及當時僚吏所勒築州城子城兩碑證之記云郡城
在此城之北寶應中太守王圓卜遷於此所立郡宅
未協地形景倚城西低臨水際頗更年代莫議遷移
中和乙巳全諷革故鼎新去彼取此全諷之語意可

謂甚明夫何疑耶蓋圓自赤岡來卽遷於此無所謂
西陲且陲者邊也當圓徙時郡宅在城西水際故曰
陲全諷未嘗徙州城所徙羅城郡宅舍低就高以占
形勢故其言曰獲形勝叶夷隆謂圓未徙以前日之
舊城在城北者西津赤岡雖自州之西門而出實在
州北謂圓所爲州宅景倚城西低臨水際者必在今
連樊小溪之濱兩碑之所勒一則名字弗詳所言者
興築州城周十五里高二仞徹入門而已一則張保
和記之所言者徙子城及州宅臺門戟扉三扇三廳
大小寢及狴帑東軒西閣而已兩碑皆未嘗言徙州
城也次當旁援他記以證之宋荀伯子臨川記載晉

王羲之爲臨川內史置宅於郡城東高坡今州學是
晉宋間指此地爲城之東今在城中則當時郡城在
今城之西非西津赤岡而何此三者乃漢晉間未徙
州城以前及唐末徙羅城之時古昔之明證也夫何
疑若夫祥符經圖雖誤以赤岡爲西陲然所述父老
相傳之語謂州治自赤岡遷香梅山今城本名香梅
山其說不謬雖南堂雖未知有全諷之記訛以傳訛
謂寶應自赤岡徙西陲中和自西陲遷今治然謂今
治未建之前今州前高處多楠木則與父老相傳自
赤岡遷香梅山之說相符矣古城在西津赤岡王圓
徙今城危全諷所遷者羅城具有明證外無西陲此

說不可復易蓋因暇日偶從設臆梁間卽取危全諷
梓刻次第參以兩碑及他證始知前此舊誌之爲誤
人言之爲訛數百年之疑遂泮毋怪向來言西陲不
知西陲之所在也然所以起後人之疑謂王圓徙西
陲者則亦有其故蓋昔人弗及詳危全諷所自記惑
於張保和移子城記耳此記皆爲郡宅設非言州城
也大畧云郡庭初際於亥壬綿歷年代王圓以其勢
卑徙於西陲亦匪厥中蔡京來乎三地思事再革以
勞費止危全諷用蔡京遺意拔平崇高舍去舊地以
保和此記參以全諷所自記蓋際於亥壬者古赤岡
之州宅也圓徙州城而位州宅於西陲全諷又拔之

崇高耳保和專記州宅故云三池外此有兩疑又不
得不詳辯一則元豐間崔鑿所爲靈濟塔記謂靈濟
在城南桐岡距州五里自擇定所靈濟事在會昌間
是時州城遷此已久則桐岡在城中何爲乃有城南
五里之說考之天祐間李德誠所爲靈濟塔院記但
云靈濟一日縱步南行默示空地無所謂去城五里
之說日遠日訛崔鑿蓋背闢全諷之憑州城之訛附
會於道聽塗說之語耳一則大曆已酉顏魯公記宋
謝康樂翻經臺謂在撫州城東南四里臺今爲寶應
寺居城中大曆已酉上距寶應遷城已五六年云何
臺在城東南四里耶考之全諷與棗州城碑語意蓋

前此未有城全諷始加興築且拓廣之前乎此但有
子城倚城西臨水際正在城西北隅故臺在東南距
子城尙遠四里者約而言之亦猶祥符圖經謂赤岡
在今城北一里二十步今距赤岡何止一里二十步
或遠或近皆記其大槩難以詞害意景定志所論極
當今備錄之庶宅土建邦無忘所自始焉

復闢清風門記本朝李紱春秋書新作南門傳謂作者
不宜作也昔所無而今創舉之則曰作曰不宜若昔有
而後廢而今復之非作非不宜也撫爲大郡城周十有
六里唐爲十三門宋有九門而東南曰清風門者監
漕所通國課民生之所利賴也故又因鹽埠門且其地

據山川之勝爲風氣所關。故撫在宋時。晏王曾。陸名世之士。爲天下所絕無。僅存而民人富庶醇茂。見於曾王諸公詩。交所叙述而吟咏者。亦海內之所稀。比元。塞清風門。漕粟卸鹽聚於東。文昌一門民與商。既以出入爲艱。而識者謂財賦人文當日衰落已。而果然元。近百年撫之科名較宋時。總二十而得一。陳友諒之亂。上市下市。二門暨河頭市。煙火萬家。僅餘瓦礫。以今准古。財賦戶口亦二十之一耳。是門可不重闢也哉。夫形家之言。儒者不深道。然公劉之詩。逝百泉。瞻溥原。陟岡觀。京已。故相度周公卜澗水。東溫水。西惟洛。食衛文公立國。升。虛望楚景山。與京詩書所載。夫豈誣哉。顧是門之塞。四百餘歲矣。有非常之人。然後有非常之功。非偶然也。乾隆三年。余以憂家居。適奉天劉侯來守撫。銳意興舉。廢。墜。因請復闢。是門侯慨然許。可屬余爲文考其端末。刊印千篇。散六邑。勸輸貲。實頗有應者。而吾邑令李侯。獨身任焉。曰。吾首邑也。四年之秋。據諸生狀。由府司達之。巡撫都御史院。院報可。乃請於郡侯。諷日刑牲。告祭城隍之神。立表闢土。召匠取石於山。余方戒裝北行。行之。日門已闢。兩傍石立三尺餘。遂由是門以出。再踰月。來。闢戶。謂乾陰陽之義也。故易以乾坤爲門人之生也。抱。陽而負陰。故國之城家之宅。亦備陽而備陰。清風門在。

郡城東南隅東屬春生物南屬夏長物皆陽也東南則
主長之會也登城而望盱水潏澗近百里來朝來宗靈
谷峙左銅陵列右名山大川財賦所從出也門拱而挹
之吏安且富民生不亦遂乎山之靈水之秀文章之本
也萃其靈秀鍾於是門居是邦者文事將益昌况盛漕
舟楫上下之利乎雖然孟子謂義路禮門必能遵禮義
以由是路出入是門然後天之時地之利交相應焉是
又在邦君之所以教與邦人之所以自勉矣門成之日
乾隆五年六月某日也

